



Vishwa Vani Samarpan

Ditordong Agarbirtenanji Amanranji Apsele Aboi Tanimiyindagi Aganadllaman

Rs. 10/- | Vol. 07 - Issue 2 | March 2021



DERNALEN BATTE NA Dainan Hangtabe



JEGNADHAPURAM, A.P. - 13.12.20



RAM SUNDAR PARA, TRIPURA - 19.12.20



PUBLICATION OFFICE:

1-10-28/247, Anandapuram, Kushaiguda,
E.C.I.L. P.O., Hyderabad-500062. ☎ 27125557.
samarpan@vishwavani.org

ADMINISTRATIVE OFFICE:

20, Raghul Street, T.M.P. Nagar, Pudur,
Ambattur, Chennai-600053. ☎ 26869200
vishwavaninet@vishwavani.org

Vishwa Vani Samarpan Kanbolan Dajenganti
Lang Langan Batte Gabadilan Dele. Soura,
Odia, Hindi, Marati, Kannada, Telugu, Gujarati,
Bengali, English, Tamil, Malayalam, Kokborok
Kan Asan Jaban Anlen Kitungan Aganugun
Asan Bo Minhum Lingan Rs. 100/- Ajiba
asintaben.

Anardon beranji

- 02** Asusuna beran
- 03** Executive Director Amang saring
- 07** Dernalen batte Dainan Hnagtabe
- 12** Bo Garberan
- 13** State Coordinator Amang saring
- 15** Irahid tanimiyeman aberan
- 18** Der dernal dainan tiyte
- 21** Garber Ompu Murda Baramar saring
- 24** Jannongan Abernan
- 34** Bangsa anobling baran apsele

Asusuna beran

- * Bogad bo dinnan mangbanam jisu agasa eteden mangbanam dirna agasa.
- * Bogad ugarlingnam jisu aimna agasa do aman jisu kristun amihaman agaramgaman aggalamed etiden dirna ganaijitalnam lakij sollingan anganutulan na ambrij.
- * Yanarmeng jisu ad'ong agiybin delin jangarda dagi amo'odan sanai sai. Bogad mangnam jangarda dagi mo'odan agasa etiden aman anin ad'ong giyle arraptie.
- * Ayengante amandraji anlen Roitaddam gamle gamdaminji aninji amang aman anabsuidamne bindo ayengante amandraji mangnam tanangle gamteji hen pintumar, hen balaimar, do hen dulai mar gamteji aninji amang aman absuidamtin.
- * E manangga do lanagin maranji, kuddubben mangb-hen yeraiba – gamle kitungan gamte. Butinte dirna godlingan daku do kitungan amang addamten do kitungan buttente ad'ong gudingte amangban anin amangban yerte.
- * Ayengante amandraji ranoitadan batte kitungan ad'ong gijigiteji; aninji asaneng senganji dirdiman aseneng sengan dakute. Bindo ayengante amandraji bigardanji amang dirtenji aninji absidteji.
- * Bo mandra angante alumbin asan idsumte anin bo resasijan ambrij do dirga dirga anin haten dele dinna do bo dinna anin ad'ong raja ontidan akkapalingan tambedle anurungan detiji.



Irdina maran Banantongan batte takarte! Bindo Dirna maran bo nieban ajid ambrij radudam dete.

Aman, sing birindanam, sakrinam, baranam, bebara baranam, bebara janabnam, jannong nam, do janrumnam, kuttanam, pasijnam, tanurtum nam, kudub baraling manarang nam, ganugunam, manoihnam, do kan akudub janaban ahandrambin asan siling nam u'an ate aman sedate. Aman amandam jingnam batte atanangbin dete! Orde aman dirna ataljingan lingan atanang bin idsumte aman aogandibin dete. Jingnam agaram gaman satta aman bindo dirnan aman do jisun. Jingnam agaram gaman aman abagu ataljingan satta!

Bindo aman do jisun ate bagu jurdi atal jingan ! Bo jingan batte atangtabin agarm gaman – aman amandaman lingan dirdirten, aman anogandi lingnam, aman agodling nam, aman atangka lingan, aman ogandite kan kuduban d'onghen sayemteji gamle. Bago ataljingan' agarm gaman – aman dirdirna lingan dirten, tanurdumlingan, do kitungan abirna do'ngnam sayemte. Aboi ataljingan bo irdirna maran ado'ng absuite, bindo bagu ataljingan bo dirna maran ad'ong absuite. Bo dirna maran angoija abbantonge bind bo irdirna maran tordong ayam batongte.



EXECUTIVE DIRECTOR AMANG SARING

Tanimyemdam kristu lingan buhang tonan henji,
Gamangtung Jisu Kristun ajabung tanimyim ahimlingan march anggai ateng
man'oihdage ganadlamberanji gadlamle Kitung man'oihan batte limtaben:

La'apwrg e sanittan...

Anlen 2020- march saring 2021 march atanankud minhum ardulaibe. Do March anggajian apsele boi boi murdadage anggai, gamlenden bebara kellaina maranji apsele, hangna maranji apsele, sorkar sadansadle biggarda sanna sanna companinji, dile bangsa anobling ompunji, bar janang sorkar atanamsulingan dile ompunji atam sanengseng ganabri baranji minhuman atakudten apurban sanengseng baranji abojoraiben asan tanurtuman do karsunji melgijata melgijata bo minhum lingan kanarsun saring barara lingan dajingan labamle orde sanengsengan ojarailen ate man'oihan batte a yireten kanalkal tanangadanji yangamle sanengsengan Kitungan abojoraiyeten ate ayemle m'oihtenji.

Arsankud Birindanji a manarangan:

Dile Kristu kanuduai bar dile Kristu ompu murda dane maranji aninji dam aranukkunji, apallinji do di dargam Kristu derna buhang toananji Kitungan abanaih ber lingan ganalaman, ganadludan,manarangan adeten ate gijate. Pedde kan ambrij ayam linganji gamle rabtitabe anlen janggarda godlenglenji derna lingan asusuna anggai gamlenden kani ambrij anggai lingan aman do hen asan Jisu Kristun kalabori baru lingan atiydamnetenan ate ayimtaben anggajian na. bogad kan anggai lingan amandaman pitunam imlen Jisun amangban pingban pingbale amangban dayarra hen den; ajarditin na kan bangsa ganabri je'nan batte abya j'elinan den Pangbolong pintun ganiymadan saring Kitungan d'ong nam dainan atiyten ate bangsa royongan tiytam

Agalulen agalesaran saring.....

March anggajian Vishwavani bangsa anobling ompun a murda sanengsengan agale saran dajingan hanangan dele gamlenden, dajingan ardod janggardanji Kristun amangban lanabaman dele kan ompun sanayam, taniytiy dane maranji saring orde taniytiy ranukkunji amanelgij beran batte kan minhum lingan dile anggajian orde dile dinnan ardod murkundardanji Jisun amangban dayarre tabbubdatenanji do dile anggaj lingan biggarda biggrda manengbanji tabme sarebasinganji gutulle gannasing sanensenanji dele.

Bar janang bar okij tabme bangsa anobling maranji Baibol ber hangnan hangtenji. Dile Kristu kanuduai ranukkubanji bangsa anobling anggai gamle taniytiyan batte

ranukkun ariri sananganji daku. Yantegamle Jisu Kristun asanengsengan dakule; bo mandra janang pintun batte akkahide osantan Jisu Kristun abangsa anoblingan batte Jisun abernan indrang galamenji amandraji amangban Jisun abernan abarduben asan asusuna ranukkunji arukkunanji ambrij, agarberanji ambrij, bar janang ataniytiyanji ambrij dile pallibanji dile ranukkubanji anumeng soban, taniytiy sobanji adeten ate gijtabe.

Anabsittan a manarangan:

Dile dinnan Kitungan anabsittan batten anlen manarangan delanglen. Anin atam anid beran ambrij (Episi 1:3) Ua Kitungan ganugu panemeng sanensenan do Jisu Kristun anabsittan batte manan; ruang sanittanji batte dile dinnan janggarda sanitta lingan madrang langlen. Daudon anindaman labgaddamlen Gamangtung Kitungan a d'ong senle gamte anin ajanibjib anabsittanji Hen Kitungan saring hanglai 2 Sam 7:18-29. Kan ambrij barij uggaran barij j'en batte Kitungan a d'ong asenba. Itentede ruangan banangsa janabanji asanitta batte Kitungan d'ong nam d'ong hen absittale madrangaiten; ayireten adinnan saring namintan sikkoija kun ate ayimle anin ad'ong senkendra'a.

Aman derna; barij j'en batte derren omdia Kitungan tiki mandrengna ling nam anabsittan batte abhanale madrangte. Iten asan gamlenden; Manan u'a nam a Kitungan d'ong-nam dardite, do kuddub saring ranabti Kitungan lanangka riangan a sittan, jaitan alung ganingan saring sittan, a memen do darakuon lingan sittan tiyantiyle, d'ong na absittate. (Apar-49:25). aman dernan batten garbera, garberan batten dainan detam. Amen!

Pengba beran a nabpemeng:

Gugupanemengdage bo tamil taniyber mar gamte do; d'an ahangben anganti jaru sendan gaitabe, kun sendan saring janang ateng d'an dungtinai. (LK 6:38). Gamte, tiyba do amben janang taniyan dete. Banangsan apsele aur baralinanden, banangsan apsele dile tordong rukkulinanden, banangsan apsele aduduge abrij linanden, banangsan batte Gulmising ling nam banrijan dete. Aman ateng karsulen asan ateng anabyar dul taniyan hangtena. Kani janibjib beran kani anggai linganji a imnaben asan kan ambrij panemeng sanitta beranji janggarda lingan orde d'ong lingan nami ayaman amandranji sanaisaijdam na.

Kani anggaijan saring Gamangtung Jisu Kristun atiamtinan asanittanji abpemengle oblengben asan bangsa anoblingan abarduben abaranji asan tanartum dabbalingan taniytiy namji bo gorjangan abardule bangsa aoblingan batte arabraben asan dile anggaijan 3000/- tangka tiyle orde ansadage taniytiynamji atiyben asan kan bangsa royonganji abardoidam dongne. Iten





asan gamlenden kan ambrij abangsa taniytiyan batte san'eddagen amandranji ranab raban hangan hangle aman ambrij Kitungan a on abmeben asan bararan anabtullan dete.

Kani anggaijan sanle d'ong nam Jisu Kristu atanimyim sanrangan batte d'ong nam a gudingtam; Jaba mailen sareba singan asanabjan apsele tangka sanayaman M'oihdage taniytiy nam batten ranukkunji gutulle tanimyim taniytiy nam asan ruang lingan man'oihan dete. Bar man'oih taniytiy bara ling nam anlen janang m'oih len Kitungan arajaman abharharba. Kani atakudlin aminhuman aman'oihan sattan er gijlabe; ayirtaien aminhuman kan ambrij man'oih taniytiybenji yantegamle bangsa anoblingan batte gorjanganji janggarda dage danelangten kun apsele m'oihle urpad sile abarduba.

Tabme Bangsa anobling maranji Baibol hangnan:

3 anggai Bangsa anobling baran apsele rajiang hanangan tabme bara maranji a d'ong January 31 susunan dele. Manan Manipur saring 8, Kalkatan saring 22, Andhra Pradesh saring 17, Gujarat saring 20, do Maharashtra saring 37, do February anggai saring Delhi amaneng saring 19, Karnataka saring 10, do Telangana saring 11 mandranji kudduban 164 mandra hanglin dakuji. Bar Odisha, Punjab, Uttar Pradesh, saring janang bara maranji sedale Baibol hangnan asusunan adeben dete. Aten asan amben agarberanji do sanayam taniytiybenji der derren baranji alumben asan omdile daku. Yantegamle 1825 gorjang bangsa anoblingan arduben asan bo anggaijan 3000/- tangkan bo gorjangan ardule anin abernan abpemengben asan anappai taniytiybenji murdadam.

Vishwa Vani bangsa anobling bara maranji a s'ing maranji asanayaman :

Ajarditin na tanimyim sanagal tanitytybenji bangsa anobling bara maranji ahana godanji apsele urpadsile atiyten batte, tamba togal er ardu gorjangan ardule bienan oblingteji. Kun atabdong bo kanalkalan orde bzmbzman adetenji adnang orde aninji Kitungan arajamban ayirtenji batten atalna s'ing birindanji babyele sagle pusiben asan er'jun dage adeten batte rugaman adnang, kanalkalan adnang Juar boijanji do Juar maranji a d'ong sagalle adrabtiai. Dele janang den ayingante amandra atanakud tanongyiman sikkoija Kitungan abara lumata lumata kahidteji; aninji a s'ing birindanji babyele abumengben asan kun sanle janang taniytiy urpad s'ibenji sanaisajdam.

Bangsa anoblingan apsele ariri sanaganji sanle gorjanganji adanenaben asan apajengba:

Barij ordaran koruna ruling rugaman batten 10 anggai dele nami Kitungan d'ong len apadle tandile urungaiten. Kuni 10 anggai lingan bute bute as'ing maranji, akulam maranji karahidan adelenji batte edanan do er suyemdage adakun amandranji

amangban ranabraban do sanayaman omdile adakunji amandranji amangban jaba Kitungan d'ong na d'ong hen a laggule abm'engaitinan asan danukka maranji amangban man'oih beran, edana maranji amangban banabye beran abrdule Jisun batte arab rabbaji. Kun baran asan bangsa anobling darakuna lingan bangsa anobling bara maranji do murda bara maranji oskaidam dakuji. Agale sarge janggardanji labamle Kitungan aranukkuban urungle dakuji.

Kun asan namintan sikkoija Kristu ranukkunji derna maranji amang lingan taniytyi baranji bangsa anobling anappai bara maranji, ranukkunji, kanuduaianji jaba apadjengba bangsa anoblingan oblengle gorjanganji ranukkun abmele adanenaba. Anlen daman abrikka damnaba. Kitungan tum anson ahiman ganugun de-ete. Kan ambrij radu derna len batte na ordaran a d'ong dailen rabsitabe. Hallelujah!

Amben apsele anlen agarbertaben. Abasuyem gamle anlen apsele janang dile tordong garberring benji ayimlenba. Kitungan asanittan kuddublen ampara dakunete!

Bindo ayengan akitungan dile tordong Kristun batte daina godlingan abhanalangten, do dile darakunalingan anin aganalam sanaruman anlen batte abpemengte anin a d'ong sanensenan de-ete. (2 Kor. 2:14)

Chennai
10.02.21

Kristu lingan buhangben,
W. Wilson Gnanakumar

GANUGUN BATTE AGANBEN



Kara logi anabsittan de'etiji ayengante amandranji bangsa anoblingan asan missionarinji ad'ong sayemteji.

Aninji tuituijan ambrij tarteji. Mr. J.J. Rathna Kumr (72) Missionary upholders Trust (MUT) aganutulmar. Anin kitungan amang anurungan dele tariko. 18/01/2021. Adnang.

karalogi missionarinji asanaij saijan asan do ayengate abuhanganji asulingan daku. aninji medical lingan akarsu do kitungan sayemete.

Bar ayengate abuhanganji kitungan urungetin aninji danuka s'ing birindaji kitungan sanabyun tiyeti. Shanthi Rathnakuram asing boijan do bagu pasijanji Mrs. Elsie Priya David do Mr. Jeyakura Simon do kudub MUT missionarinji apsele garbirba.

Derdernan dainan tiyte bindo

Irdernan sanzdban urungte.

“Dirnan batte aninji dainan hangleji” (Ebri 11:33)

“Bar er dernan asan aninji rapti agganeji” (Ebri 3:19)

Tanimyemdam buhang tonanji butinte kinolte kan amurda biran do karda biran anin kan agaram gaman galamte po? Kan agaram gaman iten? Aman dirnan batte amengbin idsumte orde irdirnan batte karahidban yerte. Kan abmele Roitad bibolan palid logi gamte . roitad baibolan gamte aboi satta sadabin asan ! panalidan orde lanungudan! Manaridan orde pintun! Mandrengnan orde Karahidan!

Kan apsele baibolan iten gamte. Kitungan abirnan kan apsele itedja anansa sanam saman adlume. Kitungan abirnan etedja sanabri ganabrin abaran adlume! Roitad baibol lingan ittedja bigarda birnan agasa : engale bagu taramtaman ordarlingan handramle raptite gamle. Kitungan abirna ling ittedja bangsa do irsin ahanrambin asan aggame. Raitad baibol lingan ittedja alungan orde bayeran amandrengan abhanabin asan aggame. Roitad baibolan sakkai birnan oblingte. Kan ate mandran aganalaman saring jin jin murda kitungan abirnan. Kan ate ordaran orde ordarlingan atankan saring jin jin murda , kan te danegodan, singbirindan, kulamanji, rukunan saring awr jin jin murda,

Kan ate gorjanghen saring, jillahen saring, do jatihen saring awr jin jin murda. Kan ate ranukuhen saring, umpuhan saring, abmang god marhenji saring, awr jin jin murda.

Kan ate yan gamle murda ? kan ate anogandilen saring awr jin jin murdadam gamlenden mandran augaran jangarda dagi maina tanurdun kitungan augaran saring sosodagi daku. Etente mandran amandrengna lingan awr murda baran daku?

Mo'odan!

Itente mo'odan gijte, anin kun ate saite! Mo'odan kudub mandran ad'ong gijte do kudubanji ad'ong alabambin asan idsumte.

Angante angante ayam mo'odan itente gijte kun ate adhangen sikoija anin

addimaddae.

Bar mandran amang ligan iten ate murdadam? La'angan

Sabih dinna yagi taran bangsa Janumjuman do jabung ganagan saite . mandran anga janang adsayeme bogad bangsa ganagan adhangetin den orde janum juman mana adelinden.

Bar okij iten ? Lu'udan

Jabung sarrangan, kinkinan, debdingan, bigardanji abirnan saring awr malludate, do amdangbin asan oskaitin. Bar bo mandra bigarda mar asu apsele birnetin den anin moihdati.

Mo'odan, La'angan do Lu'udan mandran apsele murdadam. Bindo kitungan iten apsele kuditin , mo'odan asan ted, la'angan asan ted orde lu'udan asan ted bindo ugaran asan !

Mandran amo'odan giyte, anin aludan amdangte, anin ala'angan maimaite!

Angangte kitungan mandran augarling yertai, kun atnang iten abyarbirte?

“Butente a kitungan anin anomde maranji apsele baran abojoraite, aman sadan sadle bzgarda kitungan apsele purban saring mandran l'udan batte adnamdangad do m'odan batte aggijad”. (Jisaya 64:4) Kan ate satta kitungan saring yeraitain.

Angante anlen jisaya kambol 64 tanuban kinoltabe. Dile birnan, dile kardan, dile anogad biran ugarnam manoihan tiyte; bogad l'angnam gamte, “u'u kitung, sintam, kitungan ad'ong sanin sinan de'ete” do bogad m'odnam edatin, etiden aman ordaran saring bigarda anansan dalam.

Abram do Kitungan, Isakon do kitungan, Jakubon do Kitungan, Moses do Kitungan, David do kitungan, aman do Jisun!

Tanongban do dukarin abo d'ongan na! Kitungan do Mandran amainan ugaran saring dete! Tanimyeman d'ongan aedsuman saring bigarda daku. Tanimyeman puradan aedna saring bigarda.

Kitungan do mandran amaina bo mandra do ansalon amaina bate anobjong dagited. Kan ate bagu gardi maranji agardi ted, kan ate bo u'an do aonan atanurdun tid. Kan ate jatihen amaina ambrij tid. Orde ranukuhan orde umpuhen do kulam marhenji amaina ambrij tid.

Gamang maran do banagi maran aimalaman ambrij tid, Mandran do kitungan amaina rojoldagi! Kan ate bonkordedagi tid orde ittedja annual biran tid! Mandran do kitungan amina tan'aran batte barijdam ! tidte ligan itedja lanugudan addakue.

Tidtilingan anansan, kanalkalan orde danalgadan agasa kitungan amaina tanurduling. Kan ate janardi tanurdun. Janoldan agasa! Kan atanurdun janoldan bate adde! Kan ate tankan atanimyeman, Tanamsengan, danegodan, bangsa hangnan, saninsinan, orde birnan ambrij tid. Kitungan do mandran amaina orde atanurdun aman etinte ogandite kun saring jin jin murda. Etinte aman amdangte, itente galamte, do aman itente dete gamle ogalte.

Kitungan bate amina bo mandra saring ridagi sanayeman apangbin tid bindo purardan tiydamna. Kitungan do aman ampara maina tanurdun amadrangbin asan satta tanurduman batte. Itidja bigarda taniytiyan bate tid orde gargar maran atiytiy batte tid orde anumnan orde ateng sangai hanajingan bate tid orde mital ganin paddle yerren asan tid orde surda barun adaitabin batte tid.

Kan amaina tanurdun kitungan abirnan batte madrangte, mandran ahanangan batte tid orde edolan bate tid orde mandran atung magi batten ted.

Turdum garbiran mandrengna nam, baibol kinolna mandrengna nam aman etente ugar lingnam gijle araptie kun ate aman gijle raptite. Itente aman amdangbin daku kun ate anamdage kun ate aman amdangte. L'angnam dile tordong kitungan ad'ong sanin sinan tiyte. Aman etente lumte kun ate ojoraite. Aman adungtinan do agantinan adnang anabsitan hangte, itente aman ahangbin asan idsumte aman umeng hangte, etnete baran aman lumte kun ate ojoraite, etinte anabsitta aman saite kun ate aman tabdong hangte, kun apsele aman akudinabin sanai saited. Aman awr anabsitan hangte. Aman tanagoran detam aman abantongbin sanai sai tid! Kudub bara lingannam anabsitan hangte aman anabsidan adeam.

Mandran do kitungan batte amaina tanurdu ganaijitalan rabdule dirna sundanggi tanabgijan dete. Kan ate babil gardan saring awr jin jin linka dam! Babil gardan aganutulan riyangan sikoija ganutulan deli bindo anojorayan added. Bindo dimadagi sundangan ruangan sikoija jabte.

Bogad aman ateng mandranji amang daku orde ateng surda gorjang lingan daku orde ateng sangai gorjang lingan daku orde garda lingan daku deli janang den aman ugarling nam kitungan batte ahanabin dete. Bogad aman gorjangan atarangdigod hanlen yerreten addnang ateng gardiji rabangte, anteng mandranji ad'ong rabangte! Kan akudub atarangdi aman dakulam janang ugarnam ruangan atangorling ahanabin sanaisai.

Aman tangsoi orde su'ungling, gorjangling, ateng mandranji amang dakulam janangden aman ugarnam kitungan ad'ong sanin kaninran atiybin dete.

Abram kudub saring ansa mandrengnan abhanale; lot janang sabih saring bigarda!

Isak bigarda; do palistininji bigarda!

Jakubon bigarda; do Eson bigarda!

Moses bigarda; korao do Totan bigarda! Dirna maranji bigarda; irdirna maranji bigarda mandrengna!

Dirnamaran orde ir-dirna, daina orde ir-daina, anabsitan orde anangan, kitungan batte adam ahanabin orde mandran bate! Kitung banantong orde ordaran banantong! Bo mandra batte anabhanan orde irmananin, ranadun orde ir-ranadun, dainan orde irdainan, kan akuduban saring bo dirnamar orde ir-dirnamar!

Kan ate aman gabri je'enabin dete namin na do namihen!

Butin bate orde dirnanam yan ambrij?

Kan ate jisulingan do anin amiham lingan po?

Bogad u'u etiden aman ranab raban hangle!

Jisun kristun amihaman batte tanyikuijan delai antin asan manglen saring karahidan apisirdia sanangan paddle yerretin.

Ayengante ajangarda jisu kristun amihanab batte ganijjan dele, kun ajangarda ad'ong anoija Karahidan apisirdia adjabe.

Jisu kristun amihaman na d'onglen dainan tiyte! Kun adirnanngodan na ordran lingan dainan hangte! Dirnan hannin rapti adde'e bindo uggarlingan gusurte. Kan ate dile dinna mandrengna linglen anabhannan dete.

Aninji dirnan batte rajaman danelaji! Sanun batte ted; anabtergaiyan bate ted; sanun do arrurdin batte ted; orde kardiban do arab si'ed janaban batte ted. Ite janab Anoskai baran batte ted orde bigarda ilnan bate ted, dile mandran batte arbirdungan batte ted, onla maranji batte ted, bigardanji ad'ong akaihtabin asan ted, bindo dirnan batte aninji rajaman daneteaji.

Dirnan adarakunan lingan, aman jisun sannle oblingbin dete! Bar jisun kristun amihaman sanle oblingbin sanai sai. Anten asan name aman ugarnam rea do oblingan! Uggar nam saring adungten abirna oblinga hen anogandihen aimna sakibiran kani jisu kristun amihaman batte dainan hangtai. Hen pintun saring dainan hangtai hen dirnahan batte mandran abanantongan saring dainan hangtai. Duih suman, butonji do kudub sonuman abaran abladnale dainan hangtai. Jisu kristun sanle do anin amihaman do dirnagodhen sanle hen dainan hangtai. Do irahidan

amandrengnan hangtai.

Bogad aman gamte, ganalamhen asan, barahen asan, danegodhen asan, paniminghen asan, kan akuduban hanglai gamle ogandite!

Aman aganalaman, aman ahangnan, tangkanam, danegodnam kan akuduban d'ongnam sayemle adraptiam.

Bogad unggarnam edanetin den, jisun do anin amihaman do akudub bangsa baran d'ongnam sandungtam !

Itinte abara d'ongnam abkalkalte orde ite janab kanal kalan mangnam yeraitin janangden aman saring sangai dete.

Dirnan, itente unggarnam saring dungte, mangnam saring angoiija adyerre.

Kan dangarda god ayam lingan bogad aman jisu kristun amang barij dirnanam dakulenden. Angante aman sidrungte, anganate aman pasijan hangte, angante aman talaibatam orde karahid ayam janang aman radudam do ungar dakutam.

Pede d'ongnam balai dakute, bindo dirnagodnam angoiija balai ad'e. bo dinna aman ruangan anurungan detam bo roitad mar dean dele. Angante kitungan abanidsara ayam lingan kan akudub bangsa baran sayemtam do kitungan asanin sin baran dete.

Kan akudub roitad biran abumong aman akinolle. Kitungan anosaijan dongnam sayemte akinolbin do abhanadamnabin asan. Bogad aman dirrenanden kitungan aganugun gijle raptite.

Bogad kan abaran saring aboi baran lumlenden.

Dirnan	-	Irdinan
Rajaman	-	kudub goijlite,
Gorjanganji		etidja j'on adde'e
Lang lang maranji		mandrengna godan anabgoijan
Daina mandrengnan		pintu mandrengnan

Tanurduman batte tananga, baibol nam ria, gama, "hen dirtinai Jisu kristun do anin amihaman ajorodlen asan" kan abirnan barij unggarnam saring oblinga! Jisun along uggarbanam yertai, do aman atanangoran detam! Anin d'ongnam kunrumle urungtam karahind sikoija. Aman sanle ateng jattinji jisun amang yertaiji, ateng mandranji, gorjangan, do jillan kitungan arajam lingan ganteji.

Aman sanle anteng mandranji amang jisun amihaman jorodle pete! Bar nainji dirnan batte dainan hangteji.



Sanensenan...

24.01.2021 adnang manan St George ranukkun Madhurai Tamilnadu rajam sanle 2 bangsa anoblingber bara maranji ad'ong ranukkun sanle taniytiyan batte sayamben asan manan west Bengal saring bara maranji Pikan Singh do Naran Mahali a d'ong ranukkun saring bangsa anobling baran apsele jabbable asurpedlen asan a sintaben. Kara loge Rev. Anandaraj Kitungan abernan oblengeben asan d'oglen royongan tiynten.

Bar Rev. Manickam do Rev. Samuel inbaraj anabsitta garberanji batten manan Mr.P John Samuel do Mr. A Anandurai do a s'ing birindanji yantegamle west Bengal uantede agorjanglingan Jisun aberna indrang ardue bangsa anoblingan abardule ranukkun gutulben asan kan ranukku gupa maranji do ranukku bara maranji abangsa baran batte kun manengbanji kan ambrij ranukkunji ganutulan dete do ua Kitungan ahiman ganugu panemengan dete.kun baranji abojoraile alumben asan abumengtilenan asan asentaben.

- Joseph Muthukumar



Garberan

Ribmang kitung d'ongnam asintai , anlen do'nghnam u'ang gamle agudingtai itin asan gamlen den aman sanai sailen ganagalen, bangangsalen do kudub sanai sailen atiytalenan akitung kan akuduban siling nam daku.

Puradalen silingnam asurpidtai kitung. D'onglen dirnan ataljing tiylen kitung. Anlen anlen dam lingan adirtinai, anlen atenganji amang adirtinai do anlen kayating ge abrijtinai kan abo ataljingan batte kitung. Anlen manga lalen kitung!

D'onglen tiylen bagu ataljingan etiden anlen awr dagi anabsitan ahangtai mangnam saring. Kitung sanai sailen saring awr aman donglen atiytelanen akitung. Yante gamle miggall turdud rutipun laguli etile jisu ayengante amandraji anardod lingan dakuji, pintu lingan dakuji aninji ad'ong dirnan ataljingan tiyaji. Marid janggardan do kitungan abirnan bate.

Kitung dirnan batte sing birindalen, ranukulen, bangsa anobling baraling len, dainan tiylen. Kan ordaran , sonuman do karahidan saring dirna god lingan tagorlen. Jisu kristun ahamlingan butinte aranaptin daku takud sikoja dirnadagi anin ahamlingan agarbirtinai Amen.

DIRNAN NA DAINAN TIYTE

Odisha State Co-ordinator - *Benjamin Das*

Jisun Kristun ahamlingan boi boi limtabin. Kitungan asuyeman do Dananraban asan kan 2021 amihumling bagu angailingan kitungan anlen batte ribmang baran lumetin do anab yagi angai agiybin asan royongan ahanglabin asan kitungan ad'ong sanensenan d'ete. Anlen dirtinbe kitungan kan angai lingan jangan anlen batte ribmang baran lumte. Kan gangai lingan samarpan amurda birnan "Dirnan na dainan tiyte" kan birnan sanle jaba anlen ahagnaban maridjanganrada d'onglen iten hanghangte.

Dirna maranji, tanandin ahanglenji amandraji christu mandrengna lingan daina mandrengnan abhanatabin asan itsumlen daku kan ate jaridi biran na. kitungan abirna d'onglen gadlamte do absuilangten yan gamle bangsale mandrengnan abhanabin dete. Tabme anosailingan Ebri 11:6 lingan abirna d'nglen rojologi gadlamte. "Bindo deman sadan saddle anin a'ong abm'oihben jugardamdandam. Iten asan gamlenden butente kitungan amangban addamten, anin , kitungan daku do anin a d'ong a saijtenji a mandraji a d'ong uhulkujan tiyte na, gamle a dernaben dete na".

Kan abirna monnalinglen adakubin sanaisai, bo mandara anin akristu mandrengna lingan 5 janab baran batte kitungan ahananram dage dete. Kun birnaji iten.

1. Aparmangta birnan sakai logi dirnagodan abhanaben:

Kristu mandrengnalingan jisun a'dong mangling len atrandi adakunbin sanai sai. D'onglen abhanate do gadlamte jeriko garadban josua asun apsele. Israel maranji atimang jousa ad'ong abmong god baran taniyan dele do kitungan abanaih biran ambrij garadan ayaryamabin bigra marnji aganij gij lingan kika maranji ambrij. Bindo Israel maranji kitungan yante gamle baihentini etigoi aninji adirnagodanji abhanaleji. Do gardan ayaryar dirnan bate yaryarlinji.

2. Dirnagodan atanamsu biran bo dirnan maran anin d'ong tunjingdamnabin dete:

Bo dirna maran kitungan abirna amanibin dete. Dirnagodan anlen kitung lingan itente idsumtai kun saring bigarda baran atlume. Angante Israel maranji, amang lingan josua abmang god baran lumeten. Aninji kitungan abirna manilaji, bar aninji jerico garadan danelaji. Josua dirnan batte kitungan aidsuman do abaran manietin bar anin dam junjingdamneten do baran lumetin. Bartanakudlingan dainan ahangbin asan royongan handleji.

3. Anab yagi baran dirnagodan bangsale abhanabin dete:

Kristu mandrengna lingan yante gamle dainan adhangbe kan asan duih sonuman d'onglen abkal kalte. Anten asan Israel maranji jiriko gardan ayar yar loihlen irabsadda linbe aninji 6 dinna yar yarlinji. Do 7 dinna abmang aninji dirnan dakuli do kitungan kan gardan d'onglen surpidte gamle. Bar aninji dainan handleji.

4. Anab unji baran dirnagodan asan tanamderan hangte:

Angante buya marnji gardan ayaryar yar yarlinji, angante jousa abgodan batte mandranji surakoman pedlaji do yar yarrenji kun adnang kantitalan alinka adakulinji asanu marji aninji

ad'ong gijan gijle ma'ngleji do kan aninji pagalaleji gamle. Etigoi nan kristu mandrengna linglen angante dainan ahangbin asan dirna len dakute kun ayam lingan janang aten kanal kalan yertai.

5. Anab monloi baran dalgadgi irdelabe dirnalingan sayele umdebin dete do me'enbin asan kanal kalan yertai bindo dirnaligan dakuen dete:

Ateng mandraji agte angante ayam lingan kristu maranji kristu godan umrengteji angante kanal kalan yertai do ganegen yertai. Bo birnan anlen agalambin sanai sai 6 dinna sikoija ja aninji baran lumleji. Bar Israel maranji kun dinnan sikoija itija baran agijtae orde anojoraiyen ate. Bindo abgod maranji galamleji bogad kitungan abirnan manilabin den jaridtin na gamle anlen dainan hangtebe.

Angante anlen dirnan batte uyub saiyele umdetabi atanakud lingan anlen dainan hangtabe. Atanakudlingan Israel maranji dainan ahangleji. Aninji iteja hanraman irhanramlabe jiriko gardan akantitalan radaile. Etigoi na angante kristu mandreng nalinglen dimagodlen takud sikoija sayele dakutabe anlen dainan hangtabe. Kitungan aribmang baran anlen gijle rabtitabe.

Angante kirstu mandrengna lingan amang kitungan ad'ong gankiltai do sebatai kun adnang anlen dainan hangtai. Kan ate anlen agalamben dete do "dirnan sadle kitungan amang adamnabin jugardamdam". Dele mandran dirnan batte saneng seng godlen abojoraibin sanai sai. Anten asan ayengate amandraji jardi gamle kristu lingan dakuji aninji daina mandrengnan ahangbin sanai sai.

Mark 11:22 sanle kritu mandrengna linglen angante anlen jisun ad'ong sandungtaiyan asan anlen jardi gamle itsumlen adakubin sanai sai yante gamle dainan hangtbe. "kitungan amang dirnan adakuben sanaisai".

2020-2021 mihum atanakudlingan- 2020-2021 mihum atanakud lingan anlen ardulaibe. Anlen kitungan ad'ong sanensenan atiyben sanai sai anin aedsuman anlen batte kitungan abara anojoraiyan de'ete. Bar 2021-2022 mihum lingan d'onglen hanram langten. Kan samarpan magazine sanle dile box lingan taniytiybenji do dile ranukunji 31-march 2021 alung lingan taniytiybenji gargar lebmaranji ad'ong viswawani bangsa anobling baran asan atiyte gamle dirnalen.

LRC dinna – vihswavani abgod maranji do as'ing birindanji ampara tarangada harangna s'ingan anab 9 tara sanensen garbir lingan amaidam linai tariko 10-02-2021 adnang. Tidne itente hangnan do kudub baran lanuman dete kan asan kitungan ad'ong sanensenan atiyilai. Kitutngan aitsuman delin den ayertaiyan april angai saring 20 mandra tabme bangsa anoblingan asan surpid dangardanji ad'ong talim atiyben asan ayerte.

Barara janoongban amelgijan do meetingan – kitungan d'onghen royongan tiyetin tariko. 5 -6 february 2021 adnang Sonpur do Bargarah jillaban agordben asan do bara maranji ad'ong do dirna maranji ad'ong abumengbin asan bangsa royongan hanglai. Bar kitungan asuyeman asan tariko 05/02/2021 adnang manpur gorjan lingan girja s'ingan kitungan amang sanurpidan dele. Do yagi gorjang lingan janang girjas'ing baran halin daku. Karalogi sambalpuri maranji amang bangsa anobling abran asan garbirba. Bar 19/02/2021 adnang mala Badaraita akarahidan asan s'ing birindaji batte sanabyu garbiran alumtai kechapanka gorjang lingan. Bar vishwawani saring sanayeman taniyan dele. ■

ER-TANUNGKIJ TANIMYIMAN

- Pon Subarson

Nami anlen Bar okij bo dinna ajali tangorbanji anlen yirtabe. Nalen bo Kristu Derna buhang tonananji adelanglenan asan, anlen daman atunjing dam naben ayaman ardulai. Kun ambrij ayam lingan; nami ranukunji aninjidam a royonganani abmurdale royongan kayatin abs'edteji, anten asan Jisu Kristun akarahidan, akanalkalan do ayanarmengan ayemle ganludle Kinolben asan royongan buteja appangbe.

Kun asan anlen nami tabme kristu mandrengnan ganijtan aggijtae. Iten asan gamlenden anlen ambrij bantongjidge apintu maranji alanangkalingan Gamantung Kitungan a er tanakud tanimyiman atiyai tenan ate ayimle aggandlund langne. Jaba Kitungan aberna lingan atiy j'enaba do aman do Hen apsele Jisu Kristun a er tanungkij tanimyiman anlen apsele atiyeten ate ayimle a ogal j'naba.

Anlen angaija arakaddangan abernanji er ogal, do nami kun arakaddangan sanle ruangan ayirben asan madlen Giyte. Iten asan gamlenden anin aganugu panemengan atiyben asan do sanenkanendran batte anin a d'ong agangkilben asan Kitungan d'ong len royongan tiaiten (Anab 15:3-4). Angante Jisu Kristun d'onglen abluben asan yiraiten anin angaija assajjad barij ordaran agangugu panemengan asan assajjad. Osantan ordarlingan anin a d'ong anlen asan panaran dele (Jis-53:3) Pitor Jisun ahanangna mar dele janang den, anganti Jlsun ad'ong tanzdtzdan dele; anin Jisun a d'ong sosolangneten.

Do gameten Hen ahanangna maran ted. Bindo Jisu Kristun arakaddang lingan kanabhidan adelen ayam lingan Jon Jisun a d'ong jaeten. Jisun anindaman amandranji gamleji; anin a d'ong arakaddang lingan amdaiba gamle uai loge gamle anin a d'ong amdaiba gamle gamleji. Kun ayamlingan ua Kitungan a onan Jisun a d'ongan etente abananihan tiyle, kun banaihanji manniben asan arakaddang lingan kallao billaige, samkumerdage kanalkalan batte anin a uan a d'ong edalen gamte; E Kitung hen E Kitung hen iten asan d'ong hen umrenglih? (Mrk 15:34) kun ayam lingan ua Kitungan ampara jaru do karran maina tanurdun ate do banaih beran aranadu derna lingan Jisu Kitungan do Ua Kitungan amaina tanurdun gadlamte kun ate pintu nam do pintu hen asan Kitungan do Jisu Kristun bar pintulenji atanabmdan asan anabmaina kanuban Jisun lumeten.

Roitad kambolan d'ong len gamte, ruang lingan bzmzbzman ted, Edanan ted, anasudan ted, orde danukkan agasa, janang karahidan agasa. Do tette lingan uyungan orde angaijan apanuangted, osantan Kitungdaman apanuangan batte panuangan delangten. Kan asan na Jlsun mangbalen yiraiten, yante gamle anlen danukka j'e maranji anlen Jisun batte surda man'oih lingan hangtabe, Kun asan Jisun yiraiten. Iten asan gamlenden, Kitungan a er janongkad tanimyiman batte d'ong len timyimaiten. Anin ir kabhidlabe anin d'ong len abluaiten. Kan tung tung parjed lungudban panirad Jisun sanaisajdam na. kan asan Jisun ordarban yiran yirre pintun a d'ong akabhidben asan marid Kitungan akahidben dele. Kun ate mandran apsele yan agugu do surda tanimyiman iija po!

Anlen angante ogal j'etenbe do, Ua Kitungan aon Kitungan Jisu Kristun bar maridjaggarda Kitungan abarasau darakunan ataramtamanji ogal j'elen ben den, mandradage anogalan batte aganludben jugardamd. Iten asan gamlenden, kan ambrij ruang Kitungan do abarasun mandradage ahangben do a ogalben do a objongben asan ir ganalud dage na

apparditabe. Bindo angante bangsale tiy j'elen ogal j'etabe Kitungan kuddub ayam apsele sarigoij daku. Do atanimyiman janang tordong ayam ganadilan do aganabdil mandranji atimang ling ir tanakud tanimyiman batte timyimlangten. Ruang rajaman andrukkun do amina tanurdu tanimyim darakunan na. kun ruang rajaman kuddub ranabti Kitungan a s'ingdaman na do aganugu barasu darakunan na.

Kun drakunan aman asan do Hen asan abrikkaeten. Kun a Kitungan angante ordarban yiraiten gameten Buranji apsele rwan daku, ontidanji apsele a s'inganji daku, bindo a on maran a b'oban atabmuben asan darakunan agasa.(Mt 8:20) agaram gaman; Kritu Jisun kun dijte ruang ganugu raja garob goban aman asan do Hen asan umrengeten do arakaddang lingan a purardan tiyeten. Anin a d'ongan anabgugun erdeleaben banijolan do ganabrijan dele. Kuddub mandran aranab raban asan anindaman kuddub kanalkalanji tambedeteten.

Anlen bangsale galamtaben do ayingante adarakunan mandran er kahidlabes basute kun ate er ahid do ir san'id rajaman na. butente kun rajam lingan gante anin angaja akkahide. Bindo kun ir sani'd rajaman umrengele kan ordarban yiraiten. Ayingaten adarakunan murda pisirdian janang adanenaben asan ereten guijeten kun ambrij adarakunan Kitungan umrengele anlen arabraben asan oradarban yiraiten.

Kun pisirdian do anin asanandung pisirdianji ganalun deleji (Anab 12:3-9) bindo Gamangtung Kristu Jisun er pintun batte kan ordarban yiraiten. Ir karahid rajaman saring kahidben asan ordarban yiraiten. Yantegamle anlenji mandrengnan hangtabe. Kan ate n air janogkad tanimyiman Jisu Kristun aman do hen apsele. kan apsele Kitungan dijtedijne alumben dete, a onan Jisun a d'ong aggamad. Bindo anin ir tananod do ir tanungkij tanimyiman batte d'ong nam timyimamten.

Jisun angante arakaddang lingan amandradamanjina anin bijoltamle tadleji. Kun ayam lingan ua Kitungan a d'ong labyu garberre gamte e uang kan aninji iten lumteji antate aninji aggalameji. Aninji a d'ong tabmadaji, tabmadaji gamle arakaddang lingan saring tanabmadan tiyaiten. Bo baibol galamber mar gamte, Jisun bo tara sattan kan aberna aggamad; ateng tara d'ong nam kan tanabmad beran d'ong nam anabamdangan dete. Kan ate na Kitungan a surd air janogkad tanimyiman mandranji apsele do janadle minhumlen anab ding dingan Jisun atanimyiman.

U u buhang do tonan jardijten na Jisun atanimyiman aman do hen apsele er anobjong dage do ir tanungkij dage. Jaba kun Jisu Kristun akanalkalanji do asatid samaoihanji ayimnete. Sattan kun dinnan ted, bindo dile dinnan do dile ayaman anin asated samaoihan ayimle anin a d'ongan ataimyimba. Iten asan gamlenden aman do hen asan Kitung ganugu godan Kitungdaman umrengele ayiraitenan ate ayiman ayimle anlen janang anlen daman ladgad damlen anin a d'ong dile dinnan ganugu sanensenan atiyba.

Aman do heni kan ambrij a uggaran a oskaibapo? Ayingan a uggaran Jisu Kristun a d'ong abgugutepo? Jaba kan uggarren batte anin a d'ong asenben asan a oskainaba po? Orde ayingan amandrajji d'ong nam asangemle bijolle ma'ngtamji aninji a d'ongan timyimte po? Orde butente d'ong nam arder madtamji aninji a d'ongan Jisu tanimyiman batte timyimte po? Kan minhumlen do anabding dingan adelanglenan agaramgaman; ayingan amandrajji a Jisu Kristun atanimyiman endrang galameji aninji apsele asui iteja bangsa baranji Kritun batte alumben asan a oskainaba po? Jaba Kristu Jisu derna lingan dakunata dakunata Kitungan a er tanakud tanimyim beran biggardanji a d'ong a oblingba. Amen

PADKAB HANGNA GANADLAMAN

Dile Gorjang lingan kudun baralingan banandan do d'ongdagi ganalam lingan marangbin sanaisai. Kan asan vishwawani

umpun sanle padkaban ahangna batte yanganje ad'ong hanangan tiyan tiyle aninjidam tankan aturtumbin asan royongan hangteji. Utra Pradesh rajam lingan bujpurilanglang yanganji ad'ong pakab hangnan ahangnabin asan royongan atiyataiji

do aninji kan abara hangan hangle aninji dam tankan tartumle raptitaji do as'ing birindanji ad'ong rujumle raptitaji. Kan asan 6 angai sikoija pakab hanangan taniyan dete. Aninji hangnan tabkudlenji atiki aninji hangna aramadolan taniyan dete do aninjidam baralin tankan tartumle raptitaji. 4 disalingan 66 yanganji 6 angaij hangnan tabkudlaji bar 75 yanganji bar okij taliman apangbin asan oskai dakuji kan asan garbirba.

– Shiv Lal do Anil Kumar.



Jisun na sanamang tiymar hen



Hen awr asulingan dakulih do kan akuduban kanal kalan hen tamedle irrapti. Tamba togal kampunghen ahamangtin amabrij anasuda delih.

Kun adnang kulam marhenji Birmunda gorjang balangir jilla odisha disan saring aninji kudarnan amang urunglihji bindo itidja baran atungned. Hen vishwawani umpun saring baramar abangsa anoblingan batte jisun abirna amdanglai. Do hen sanamangan ahangbin asan sailai.

Bar missionary hen apsele garbire kun adnang hen dirnan batte jisun amang garbirlinai banangsan ahangbin asan. Hen kudub pintuhen apingbale garbirinai itija iromdalabi appingbalai. Bar jisun d'onghen banangsan tiyihitiin bar hen ablumar hen gamlejalai.

Name jisun ugarlinghen daku. Gardalinghen baibol hangnan do girjan dete kan asan kitungan ad'ong sanen senan d'ete. Halleluya. – *Gulapi Kumar*

Dina do puanga....



Angante dile mandran ad'ong kanalkalan do ordar managadan sandungte, kun adnang jisun abirna angante anlen kinoltabi orde jatabe kun addnang anlen sanabyun do danraban hangtate.

Etigoi kan s'ing birindan angante dirna lingan marangte kun adnang jangarda lingan marangteji. Jisu kristun abangsa anobling biran aranapti batte me'engtaji.

Chhattishgard rajam Rajapur gorjang, aninji abo rukulin kan abangsa imnan hangleji. Aninji anabsittan ahanglenji ate ayemle kitungan ad'ong senkenraleji. Mega voice radeon anamdangan batte aninji awr anabsittan hangleji.

Yan gamle bangsa mandrengnan abhanabin dete kun ate galamleji. Tabme dirnamar Umesh Ekka sakin tiyte anlen bangsa anoblingan ajalayan asan ganardimaran ad'ong arabanglai. Bangsa anobling biran batte na anlen bitidagi delalen. Aninji dilin tanangleji do kitungan asan tana'ar daji detiji. – *Ashish Kumar, Champa.*

NETWORK CHAIRMAN AMANG SARING

Taniyemdam buhang tonanji aparmamgtan jisu kristun ahamlingan boi boi limtabin. 40 mihum bangsa anobling godlinghen dajingte disan gorodlai bindo kun saring 2020 mihuman hen apsele bo ansa do ribmang dagi daku. Koruna ruling rugaman asan hen kan aminhum lingan kudub disaban gorodle irrapte. Bindo hen telengana rajamban ayerbin asan royongan hanglai.

Madhapuram gorjang maranji 1993 adnang vishwavani radeo program amdangleji do aninji d'onglen sitin batte gadlam lalenji gorjanglen yerre bangsa anoblingan oblingba gamle kan asan kan gorjangban anlen ayerre bangsa anoblingan soban alumlai bar mandranji jisun abirna amdangleji. Kan adisa andrapradesh lingan daku do kun gorjang lingan amurda dane maranji bangsa anoblingan amdangbin asan angtir dakulaji do jisu kristun abirna jale jisun ad'ong ablumarhen gamle jaleji.

Mandranji jisun amang dirren dirga dirga kristu lingan marangleji. Do girjan susunan dele do girjas'ingan sanabjan dean dele tariko 12/01/1994 sallon adnang sanurpidan dele. Kan agorjang lingan vishwa vani saring aparmangta girja s'ingan ganutulan dele.

Kitungan d'onglen bangsa saneng sengan tiyentint bo jannongan ahabin asan. Do name kantitalan anabdin dele do gargardan janang dele. Do tine bo 'Hope center' pasijanji aharangna apsele sabjabin asan oskai daku. Karalogi 65 pasijanji orub hangna do tagalda hangna asan sanayemdagi detiji do tidne lingan bagu hang hang maranji do missionarin bate pasijanji ad'ong hanangan taniyan dete.

Jisun ahamlingan pasijanji sanayemdagi dateji. Antin asan Rs. 25 lakya tankan sanaisai detelen harangna s'ingan agutulbin asan kan asan telengana rajamlingan adakun adirna maranji batte ganutulan dete gamle dirdirnalen daku.

Madhapuram gorjanglingan adirna maranji batte tuya gorjangan Jabharguda do bigarda gorjangban jisu kristun abirna oblingjeji do jisun asan labamleji. Do nam kun gorjanglingan kitungan ad'ong gankilteji. Bar dirna maranji marangleji do bo girja s'ingan ganutulan dele do 2006 atnang sanurpidan dele.

Bar pasijanji janang kristu lingan marangteji. Gargardan janang kan angai lingan surpid garbiran dele do mandranji sanayem dagi deliji. Kan san bangsa anobling buhangnanji janang aur manoihan daku do girja s'ingan ayar yar kantitalan janang anabdin daku yante gamle anabdin dete garbirba.

Kitungan asyeman asan Thandu Mayilaaram gorjang lingan bangsa anoblingan hanre daku. Dirna maranji barij gamle dile addiaran girjan gobteji. Bar kan girjan s'ingan ayar yar kantitalan anabdi sanaisai do darimringna s'ingan asabjabin daku kan asan garbirba. Kondamadugu gornang lingan janang kristun abirna harre bar mandranji jisun amang yertaiji. Yante gamle kan gorjang lingan bangsa anoblingan asan bo anabhana offiso s'ingan sanabjan dete garbirba.





Madhapur Church



Jabharguda Borewell



Tandu Mayilaram



Kondamadugu Mission House



Gorravani Thanda

Korravani Thanda gorjang lingan janang banjara lang lang mandaranji jisun amang dirtinji. kan gorjang lingan girja singan akantitalan do missionarin as'ing asabjabin asan sanai sai daku kan asan garbirba. Kan asan kitungan aboantanji ad'ong agarbirtabin butinte abuhang orde atonan kan baran asan 5 lokiyo tankan atiyben asan aitsumte ambin d'onglen gadlamle araptitalen.

Yante gamle girja s'ingan dananraban dete kan asan kantitalan anabdi sanaisaidam. Bar janang missionarin adarakuna s'ingan sanai sai yante gamle mandranji ad'ong sebale raptite do kudub baran lumle raptite. Bar darimringna s'ingan janang sanai sai ayengate amandranji girjaban yertaiji aninji ahananraman asan.

Anlen mandranji ad'ong aopungba yante gamle kan akudub sanaisaijan rapte tiyle raptitaji. Karalogi garbirba tabme dirna maranji yante gamle kristu lingan marangteji do jangarda lingan marangteje.

Hyderabad gardan ayar yar 100 saring awor gorjangban bangsa anobling baran lanuman dete. Name sikoija 18 girja s'ingan ganutulan dele. Do dile dinna mandranji jisun amang adirtinani ate anlen agijtai. Yante gamle bangsa anobling baran marangte kan asan garbirbin, taniytiyben do sanayembin sanai sai.

Bo lokiya gorjang lingan bangsa anobling baran alumbin asan murda saneng senglen daku. Kan asan ranukunji kan abaraling maidamlin d'onglen arabdute. Antin asan ayengante agorjang lingan ranukun ganutulan dele kun ranukun batte bigarda bo gorjang lingan jisun abangsa anoblingan alumben sanaisai.

Dile dirna maranji aninji akulam maranji ad'ong jisun abirna aopungbin sanaisai daku. Harangna sing lingan dirna maranji hanangan hangle bangsa anobling baran asan tiydamnabin sanaisai.

Bangsa anobling baran murdadam. Antin san dile ranukun saring itsumdagi tangsoilum bangsa anobling maranji adungnabin dete. Do aninji bate bangsa anoblingan bigardanji agalambin dete do tana'ar apsuibin dete.

Anlen d'ongbin agadlamtai dajingante dirna maranji do dirna boijanji mailin bangsa anobling baran asan sabin ajunte do agarbirte. Dabban lingan tartume tiyle araptite orde bo gorjangan ad'ong panusi gorjang gi lpangle araptite. Kan asan jaba kitunglen ad'ong agarba 30 tarding, 60 tarding do 100 tarding yante gamle j'ote.

Ayengante akitungan ordaran do kinorayan gabdille kun akitungan

d'ongben absitaete.

Hyderabad
12/02/2021

Imalam Kulamben
P. Selvaraj, Chairman

Kan baranji Kitungan saring na...



Kara lika Kitungan ad'ong ganugu panemengan saninsinan de-ete. Atam anidol biran ambrij s'ing birinda linglen Kitungan anabsitta baranji alumetenan asan manan (SK 29:11) Kitungan amandra damanji a d'ong ranabten tiyte, do amandradamanji a d'ong sanabyun tiyte. Hen do turdu boij hen Sorkar baran saring lulunan delelen.



Kun ayam lingan anlen ayimle a ogal j'elina do ayingan agamtungan d'ong len ranadun tanu'ualn tiyaiten anin a er zdna asuyeman ayeman ayemle anlen anitsumlen dakule do anin apsele bo sarebasingan agutulben asan arberdalai. Yantegamle kan abaran batte Kitungan a surda suyem taniyan amurda sanengsengan abojoraile rabsitabe gamle, aimlina. Jardijten na Vishwvani bangsa anbling ompu abaratinan Odisha rajaman Rayagada Jilla Guluguda gamle bo gege do tulab desan tabme.

Kristu derna maranji Kitung ganagkilan apsele Girjasingan sanaisajdam dakule, do 28.12.2020 antate tabme sareba singan gutulan gutulle gannaben asan royongan tiylenten.kan kudduban anin apsele do anin aganugun asan aganabri royonganji abojoraiyetennan asan Kitungan ganugun de-ete.

Bar janang Vishwvani bara maran manan A Jeyraj anann bar turduboj hen Chitra do toanan hen Jasmine kun guluguda gorjangan arduan ardule Jisun batte anabrakkun adelen dile Kristu dirna maranji ampapa surped sing garberan royongan ahanglaihen asan Kitungan Ganugun de-ete. Kara loge garberba ayengan amandraji Kristu linji aninji amarid panuang mandrengnan batte yar yar maneng adakun agorjang marji Jisun apanuangan yirtaiji; bar ateng ranukkunji ganutulan dele Kitungan arajam anabgzrsaian dete kan apsele garberba. - *Edwin Sam do Chitra Edwin, Alandhur, Chennai.*

Rayagada jilla baru disaban bo gomosaran ganalun dele.

Manesh Kumar Sabar 8 mihum sikoija bangsa abobling baran lumetin. Anin surpiddamnetin kitungan apsele do ribmang abran do jisu kristun asakibiran jannongban pangetin. Anlen angoiija irogandi orde irgalam anin umrenglangtin gamle! Monesh buhangan kitungan abirna anab 11 jilla rayagada lingan padampur block lingan kitungan abara lumetin. Anin sora maranji amang bangsa anobling baran lumetin ayengate amandraji oro baran do badibaran lumljeji.



Anin 38 mihum adangarda baramar dakuli do anin abaran batte jardina jano'o daga na. anin Tembaguda disan amaneng 6 gorjang lingan bangsa anoblingan oblingetin.

Kan mayang dangardan asar do'ng bim biman asan 18 tariko January angai anin awr kanal kalan hangetin. Rapti Tanongyemlin araptied do 20/01/2021 salon adding anin ruangan anurungan dele. Karalogi anin asingboijan Susanti Sabara do apasijanji Truptiranjan (18) do ansalo onan Smutirekha(13) apsele garbirba yante gamle sanabyun hangeteji. Karalogi garbirba kan disa lingan ayengate abaramarji baratinji aninji yante gamle dananraban hangeteji.

HEN DAINAN HANGLAI, AMAN JANANG DAINAN HANGA

Rev. Emmanuel Gnanaraj, Garber Ompu - Murda baramar

“...bindo purardan anurungan dele. Hen ordaran dainan abladnale dainan hanglai” jaba anlen agalamba jisun kristun angante ordarlingan abran tanakudetin kun ayamam abirna. Angante jisun ordarlingan dakuan dakulin abaran amtungetin kun ayaman abirna. Angante anin 3 mihum 6 angai dakunetin bar baran lumetin bar mandranji anin amang dirrenji. Bar ahanangna maranji batte atakud jumdarana linka akul sing lingan lumetin.

Kun adnang anin ahanangna maranji ajing abajingetin. Galagata baruban arakadangan indrang tamedle pangen addnang, kun adnang anin ahanangna maranji ad'ong opungetin angante getsemeni kutalingan duihsonuman anin ad'ong abkal kaletin. Murda buyanji anin apsele itin abara lumleji kun abirna na aparmangta biran Jon17 lingan anindolan deli.

Jisu kristun batte ahanangna maranji tanabrujan adelinji abrana jon 13:33 saring 16:33 lingan anidolan daku. Mattiu 26:30 lingan palid logi anidolan daku bar aninji bo kanenan kenleji atiki jito bwrban baiyeran yerreji.

Tanimyendam kulamiji jisun ahanangna maranji ad'ong itin ahangin asan idsumte do atakud biran amanibin asan oblinge? Jon 14:27 hen amben ampapa sanbyun umdrengetai. Sanbyu-hen tiytaben. Engale ordaran tiyte, ettegoi Hen attiyai. Uggar-benji galih piyaihge dedongete, orde bantongdaongete. Anin asanabyun d'onglen tiyetin. Janardin Aman galam po itin asan kan abirna jisun opungetin sanenken 84 lingan anindolan daku. “aninji baka tamlung bassenggan paddle yerrenjiden aninji antate dungdamdan a darakunan abmeteji” Saninken 119:67 &71 lingan anidolan daku. Aman endrang padradihen abmang hen ardodgodban yerre. Bindo name hen berna-nam mannetai.

Anapai paul oblinge 2 coronti 1:8 lingan opungte anin yangamle kanalkallingan do ganegelingan daku “ anlen awr kanalkalan gatarralen, yante gamle ranaptilen saring okij ateng lanaginan delalen. Antin asan a m'engben janang abmele tungherderdage a delai. 2 coronti 7:5 lingan gamte.

“...bayeran rurdebanggen dele, do abantonggan ganijtana dele.” Paulon 2 coronti 4:17 lingan idoletin. “iten asan gamlenden kan ajid ayam liyardam kanalkal-len anlen apsele abo jznjzn surdadam, er ahid lagindam ganugu panemengan oskaite”. Kan abirna saring galamtabe do aninji kanal kalan, danukan, panadradan, tanunjingan do banantongan deliji. Jisun gametin mattiu 18:7 lingan “Anabasudan asan ordar maranji abmele ugai! Iten asan gamlenden a jardin na anasudan dte. Bindo ayengan amandran a s'in batte yertai, anta mandran abmele ugai!”. Jakuban kan abirna gamte 1:2 lingan “E buhanghenji erandij janab kanalkal tanungjinganji batte amben tanaumgjangana a deten adnang, antate karraloge m'oindaman a bernan na, gamle ogalj'enaba”.

Itin asan Tanunjingan hangtabe ?

Jisun tanunjingan dele do anin dainan hangetin do anlen janang tanunjingan ahangbin tungna. Ganijmadan itin asan yertai? Name mandranji tanunjing lingana agalubin adnisumeji. Aninji kusalaiddan alinka aengdanabin asan adnisumeji. Dajingante mandraji kanalkalan erdelabi amengbin asan idsumteji. 2 coronti 13:5&6 lingana gamte. “ Hen dirna lingana daku

orde ijja, gamle tungjengdamnaba. Ambendam an abmele tungna sakkin tiyba.

Ijaden amben janang a deben asan adnabardoijlenden kristu mang-lingben dakuten, antate amben rapti adnabmade po? Aninji janang a deben asan adnabardoijadji, gamle engale anlen abmele amben a galamte, antate han derdertenai". Anlen tanunjingan irjanglabe yan gamle dainan hangtabe? Anlen enga janang tanunjingan ahangbin tungna. "Bar yante gamle amben iteja abmele er asuilabe, hadabloge do barijdam a dete, kun asan ateng-ayam-sanayen barijloge a baran abojoraiete" (Jakubo 1:4). 2 koronti 1:4 lingam gamte "Iten asan gamlenden kuddub kanalkal-lin-len anin babyeralen, yante gamle itente a banabyen kitungan batte anle banabyen a deten a mandraji a d'ong anlen rapti abbabyetabe".

Kanalkalan adnang anlen iten alumben dete? Anlen enga janangden asanuben dete. Anlen angoija gegedagi adebe. Anlen angoija balaigi adebe. Kanin na baibolan d'onglen radu adebin asan hanghang langten do anlen mandrengnan hangtabe. Bindo anlen agalambin sanaisai iten akanalkal do tanunjingan yan gamle handrambin dete agoibin dete.

Jaba anlen kan ordarlingan akudub tanunjingan, jelun do duaisuman asanun saring dainan ahangba. "Iten asan gamlenden ordar lingam itente a kudduban daku, manan, d'ongan a ogir-magadan, m'odanji a ogir-magadan, bar mandrengnan a kinsan, atate u'an saring ted, bindo ordaran saring dele"(1 jon 2:16). Jisun dainan hangetin anlen janang dainan ahangba. Jaba anlen duihsonuman ad'ong duldang dangba (Jakubo 4:7). Jaba anlen duihsuman asan darakunan atiybe. (Episi 4:27).

Iyan gamle kanalkalan sabgaitabe?

Sonuman apangtaha akanalkalan angoija abantong-ben ted. Anin aboi sonum butente anab-sedan dele. Anin d'onglen kalai bilaigi abmebin asan abaran. Bindo dajingante dirna maranji kan lingam dainan adhanggeji. Ordar lingam akudub birnanji d'onglen badlaite. Anlen bigardanji ampara edatinal itente tanagadan delinden. Anlen angoija jisun ad'ong agijigjai. Angante angante anlen adirnai jisun iten gameten.

'hen anga janang anumrengam orde akaridai.' Anlen mandraji saring sanayeman gartai sayemihitiji gamle. Anlen kitungan abirna karida langtin. Itin asan? Anlen gamle raptitabe e kitung iten asan aman umrenglih gamle. dirnalen asan Jisun uallangten. In uallangten anin amang dirdirnalen dakubin asan. Bogad aman ordaran akudub birnanji saring kitungan abirna dirrenan den, aman ranadun hangte. Aman anin ad'ong adirabin do abirnan amdangben dete.

"Anin amangban kuddub kanudiben pzdhaba, iten asan gamlenden anin amben abmele kudite (1 pitor 5:7). Anin d'ongbin inrang abdien sekoija anin amang surpiddamnaba. Amurda silingan agaram gaman iten? Bo pasijan angante irgaram gamlingan kodi kota gorodbin asan idsumte a'ua maran anin asin radulogi hamle dakute anomdae. Bogad pasijan kun ate sayelenden anin ranab raban do sanayeman hangte.

Bogad anin barabdalin den anin kanalkalan hangte. Bogad anin asin umrenglenden anin s'iedte do karahidan hangte. Kan ajardi biran anlen adirabin sanaisai. "...Gmalenden itente kitungan saring karudkudan dele anta kudduban ordaran abladnale daiten, do itente a dainan ordaran abladnale daiten. Kunate dema-len na (1 jon 5:4). " Iten asan gamlenden a jardin na anlen kan tambudage darakuna lingam dakutan dakutan lanagainan

delen asan gaendritabe, iten asan gamlenden aurdidongdage a deben adnitsumlangne, bindo yante gamle kan karahid d'ongan mandrengnan batte manobmon dete, ettegoi anabrotudan a deben asan istumtabe (2 coronti 5:4).

Dainan ahangten amandra iten hangte?

Jisun 7 janab dainagodan abpungietin (Anabpungi 2&3). Jakubo edoletin "Ayengan a mandra kanalkal tanungjengan sayete, anin man'oihdam. Iten asan gamlendentanungjeng lingan dainan hangan hangle anin ayengan a mandrengnan a raja-ranubboban gamangtungan anin a d'ong imyimten a mandranji a d'ong sibdaijeten. Antate hangte (Jakubo 1:12). Paulan daina kinan kinte ' kan bangsa annun hen sanulai, mandrengnagodan hen tabkudlai, demagodan dandrablai. Nam saring itente a ranoitad ranubbaoban Roitad Bitsara marGamangtungan anta dinna lingan tiytih, bar d'ong-hen satta te, bindo ayengan a duddubanji anin a panunggen a gijben itsumteji, aninji a d'ong janang anin tiyte.

(2 timoti 4:7&8). Jisun gameten ' Itente a kanalkalan aman satid samoihge a deroite, antate bantongdong, karahid sikoija dirnadagi dea, bar Hen mandrengnan a raj-ranubboban tiytam (Rev.2:10). Satta dinan ahangten amandra ranubbaban hangte do takud sikoija dakute (1 coronti 9:25) do bar kun aranubbaban angoija aside. (1 pitor 5:4)! Aman kun adainan ahanbin asan oskai daku po?

Bangsa abrijnalingan abrijna. Kun asan dimalen adakubin sanaisai. Paul timoti ad'ong edolte "Dirmagoda a bangsa sanu lingan sauna. Er ahidan a mandrengnan hanle dakkua. Kun abmele aman ganudingan dale, do antabmele ateng sakki maranji a temangban bangsa anabpengan aman abpembangale (1 Tim 6:12) .

Ordarlingan kanalkalan daku. Bindo puradanam anurungan dete. Hen ordaran abladnale dainan hanglai. Aman janang dainan hangte, kan ate gamangtungan gamte. Diman batte dainan hangtabe. ■

Yeraiba do gijba kitungan abara!



Abmang tara 5 mihum abmang hen viswawani umpun batte mailinai, bar hen barara jannongban iyle do melgijlai yan gamle kitungan abara lanuman dete. Kitungan ad'ong sentai han do yanghen Ghataparthi gorjang ban girja s'ingan asurpid garbirba ayle. Anlen madlen batte kitungan aribmang bara agijlai. Bangsa anobling bara maranji do asing birindanji jisu kristun aribmang lanuman sakin tiyleji.

Aninji atanimyeman , oseng mandrengnan, bangsa anobling baran do anarayan anlen monnalen tabruijetin. Anlen uggarlen saninkenran batte barijle. Tabme dirna maranji asaki biran anlen amdanglai. yanghen Mrs. Agnes Ramathal ad'ong Marid jangardan tangoretin do chellakere gorjang lingan bo girjasingan agutulbin asan jibjib birnetin. Do kan gorjang lingan janang umeng girja s'ingan asurpidbin aroyongan hangtabe. Mandrengna da'an pele asar sol lingan adadatin ambrij iradru gorjangan do ayengante amandraji argal lingan dakuji aninji argaldanji abtaggalate. Kitungan arajaman marangte . Halleluya – *Ramathal's s'ingbirinda*

Jannongan *Abern*an



**Garba do d'ongben taniyan dete,
sanilba do amben arabangte debsangba
do amben apsele ranzn dete. *Mattu 7:7***

Sanensenan do Garberan

1. Jammu Kashmir

Bible Hangna Ompu: 176

Kitungan ad'ng sanen senan de'ete buhanglen Rinku Kumar Tandhar gorjangan saring anin hamkul bimbiman saring banangsan hangten. Kaka ram Bhagta gorjang saring anin gabri jeenetin alingan akadabnabin asan. 3 mandra tabbudan hangleji. Vimala Rani anin kanni bimbiman saring banangsan hangle. Kan asan kitungan ad'ong sanen senan de'ete.

Missionary Stonius Bhati's au'a kitungan urungetin. Kan asan kun si'ng birindan asanabyu asan garbirba. Vishal Kumar gasalan yante gamle umdate garbirba. Chowki gorjang lingan yante gamle bangsa anoblingan asan sanangan ranin dete garbirba. 6 Ezra buhangani yante gamle bangsa anoblingan asan yertaiji kan asan garbirba.

2. Himanchal Pradesh

Bible Hangna Ompu: 173

Tabme dirna buhang tonananji Sanju, Kajol do Neelam aninji bangsa anoblingan asan idsum dakuji. Batimilli gorjang lingan Pushpa bangsa anoblingan amdangbin asan bo bangsa hananraman detiji. Aninji asungani rileji bangsa anoblingan asan. Kuldeep buhangen hamkulan saring jusun batte banangsan hangten. 32 mandran tabmedagi tabbudan hangleji. Kan asan kitungan ad'ng sanin senan de'ete.

15 si'ng birindan jusun ad'ong ablumarhen gamle jaleji do kristu lingan marangteji. 150 mandra tabbudan hangbin asan oskai dakuji. 20 dangardani bangsa anoblingan amdangleji do jisu kristu lingan marangbin asan garbirba. Yante gamle training dete 20 dangardani bangsa anoblingan asan oskai dakuji. Lapaniya gorjang lingan missionary Manoj Bhate aturdu boijan kitungan urungetin kan asan anin do 3 apasijani yante gamle sanabyun hangteji garbirba.

3. Punjab

Bible Hangna Ompu: 205

Bangsa anoblingan asan 30 tabme gorjangan survey daeli. Raj buhangen censer bimbiman

saring jjsun batte banangsan hangle. Tonan Preeti 3 mihum atiki kitungan saring bo pasijan hangleji bar Nua parmanand gorjang lingan girjaban yerteji. 58 mandra tabmedagi tabbudan tityeji. Kan asan kitungan ad'ong sanen senan de'ete.

32 mandra bangsa anoblingan amdengleji yante gamle jjsun abirna jateji garbirba. 90 mandra tabbudan ahangbin asan oskai dakuji. Sarabjeet Kaur gaji bimbim lingan daku yante gamle bangsate garbirba. Talwandi bhagwan gorjang lingan girja singan agutulbin asan yante gamle bo jannongan hangteji garbirba.

4. Uttarakhand

Bible Hangna Ompu: 165

Kitungan ad'ong sanen senan de'ete Akash Singh buhang Vishwa gorjang saring asingbirindan sanabyu lingan dakuji. 6 si'ing birindan Khatima gorjang saring bangsa anoblingan amdangbin asan oskai dakuji. Addiaran pasijanji ahanang dete do teng sangai goble kitungan abirna amdangteji. Labholi gorjang lingan kitungan abirna anoblingan deli do 41 mandra amdangteji. Kan asan kitungan ad'ong sanen senan de'ete.

Guddi Devi Raiwala gorjang saring astema rugaman saring banangsan hangtein. Aajianiya buhangan yante gamle gasalan umrengte do asingbirindaji sanabyun hangteji. Bahadur si'ng birindan saring yante gmlle dakukan sangaite garbirba. Garhwal disan lingan bangsa anoblingan asan yante gamle bangsa anobling maran hangteji garbirba.

5. Haryana

Bible Hangna Ompu: 84

2 sing maranji jaianpur gorjag saring aninji jjsun ad'ong ablumar hen gamle jale girjaban yerteji. Karamveer buhangan 5 mihum sikoija sonuman abanondiling dakuli binda jjsu kristun amang asanurpidan batte banangsan hangetin. 4 dangardanji bangsa anoblingan asan tiydam linjia . Matedi gorjang lingan bangsa anoblingan deli do 4 mandra abyarjielinji. Kan asan kitungan ad'ong sanen senan de'ete.

Holdar gorjang lingan girjansingan ganutulan deli garbirba yate gamle sanurpidan dete. Sukhvinder Singh anin sevali gorjang lingan agirjadongne gamle dang dangte yante gamle abyarjeten garbirba. Pramod si'ng brindan kristun saring dayetreji yante gamle bar okiy dayartaiji garbirba. Govindgardh gorjang lingan yante gamle girja singan ganutulan dete garbirba.

6. Delhi

Bible Hangna Ompu: 12

Banagi maranji ad'ong runkun, kombolan do ganaga janaban taniyan dele. 2 mandra ad'ong tailoring machne taniyan dele. 300 sua patrikanji do 50 tabme baibolan ayengate amandraji kristun apsele idsum dagi daku kun amandraji adong taniyan dele. 12 gorjang lingan abmang amabrij bar okiy bangsale girjatinji. Mandranji teng sangai goble kitungan abirna amdangteji. Kan asan kitungan ad'ng sanin senan de'ete.

Maya tonanan yante gamle bangsa sakrin hangte garbiraba. P's sing lingan yante gamle kritun atanimyem ganijtan dete garbirba. Priyanka buhangan ad'ong yante gamle tabme tabme mandranji ad'ong maitin do jjsun abiman oblinge raptite. Pasijanji amang yante gamle bangsa anoblingan dete garbirba. Dile palli lingan yante gamle bangsale girjan dete dile gorjang lingan garbirba.

7. Rajasthan

Bible Hangna Ompu: 437

Thavis sing birindan aligan do jumpodan saring banangsan hangleji do girjaban yerteji. Saradit gorjang maranji bangsa anobling lingan maidamtinji. Do girja singan agutulbin asan janang daku . Bharat buhangan Bildi gorjang saring anin asar bim biman saring banangsan hangetein. Ummedgari gorjang maranji bangsa anoblingan aoblingbin asan oskaidam dakuji. Kan asan

kitungan ad'ong sanin sinan de'ete.

Ayantante amandraji Durga buhangan ad'ong tamdertaji yante gamle aninji bangsa anoblingan amdangteji garbirba. Ratanlal gorjan maranji yante gamle jisun amang dirtinji garbirba. Kalakhunta do Chapra gorjang lingan bangsa anobling soban lanuman dele yante gamle mandraji jisun amang dirtinji garbirba. 2021 salo lingan yante gamle 120 gorjang lingan bangsa anobling baran dete garbirba.

8. Uttar Pradesh – Lucknow Amanengba

Bible Hangna Ompu: 124

Tordong Gamangtungan Dharamveer a bara maranji batte sarebasingan agarber gannasingan dele. Khurjha Jilla lingan 20 tabme gorjangan bangsa anobling ber baran apsele ranabangan dele. Ole a gorjang amandraji Kitungan aberna amdangben asan angtrz dakuji. Bangsa anobling ber baramar Birender Kumar batte Bible hangna ompun susunan dele. Jannong lingan abara mar Mittu Kumar ad'ong Mangta ayaryar maneng agorjangling bangsa anoblingan apsele susunaben asan ganudingan dele. Kan asan Kitungan a d'ong ganugun de'ete.

Lakimpur lingan Bangsa anoblingan apsele training tiyben asan bara maranji hangnan dete. Yantegamle hadab hanglen baranaben asan dungtinji kan apsele garberba. Bulandsahar lingan Kitungan abangsa anoblingber atamdertenji amandraji yantegamle Kitungan ad'ong abmadteji kan apsele garberba. Tonanan Baby uggar lingan akanalkalan asan satid samoihge daku asnamangan apsele garberba. Jagdipur Gorjang lingan sarebasingan agutulben asan jannongan sanaisaij. Kan akudduban apsele Kitungan amangan garberba.

9. Uttar Pradesh – Awadhi Amanengba

Bangsa anobling maina sobalingan 32 Gorjang amandraji rukkunan dele. Do 13 s'ing birinda amandraji tabmedage Jisun ana ablumarlen gamle jaleji. 35 danggardanji Kuddub ayam Kitung baralingan abaranaben asan surpedlenji. Bar 37 mandra bangsa anobling beran amdanglen atiki apintudamanji pingbale imnai'en hangle banandan deleji. Nirmal do Manju Asubzmbzman saring ganarberan batte sanamangan deleji. Kan asan Kitungan ganugun de-ete.

Bangsa anobling ber Soban 17 bo tabme gorjang lingan anabhanan dele. 44 minhum bo buhangan Ajay Tb bzmbzman batte kanalkal lingan daku. Buhangan Ansu abyarje'na batte yante gamle bo s'ing birindanji derren tabbudan hangteji kan apsele garberba. 34 Minhum Bina Tonanan yantegamle Ranandrong lingan bo resasijan hangle rabtite kan apsele Kitungan amangan garberba.

10. Uttar Pradesh – Bhojpuri Disan

Bible Hangna Ompu: 211

4 parad kab hangna singlingan 63 yanganji padkaban ahangna tabkudleji. 7 gorjang lingan tabme dagi baibol hangna umpun dele. 10 tabme gorjang lingan bangsa anobling baran susunan dele. Colepur disaban rangi suman abim biman kanadaban dele kan asan kitungan ad'ong sanen senan de'ete.

Ranukulingan 15 mandra tabme dagi abmang god bara hangnan hangleji yante gamle aninji batte kitungan abara anojoraiyan dete garbirba. Vinay Kumar buhangan yante gamle kanni bim biman saring banangsan dete garbirba. Benjapur do Ramajpur gorjang maranji yante gamle biti lingan marangteji garbirba. Sureri hangna sing lingan 53 tabme danggardanji hangnan hangle bangsa anoblingan asan yante gamle yerteji garbirba.

11. Bihar

Bible Hangna Ompu: 144

Jisu anab samangan batte Daya Shankar Ram Tb bzmbzman saring sanamangan hanle. Tabme VishwaVani Samarpan / March 2021 - Soura

derna maranji Rupaspur agorjang a dernamranji a maina tanurdullingan maidamlinji. 12 tabme derna maranji Jisun ablumarhen gamle jaleji. Diwali karahid darimadna asun saring Jisun anin a d'ongan bo tabme mandrengnan tieten. Kan akudduban asan Kitungan ganugun de-ete.

Belchi agorjangling lanungudan abaranji ab sosoben asan yantegamle Kitungan saring anojoraian dete garberba. Gaousangan ajatinji amang Tanadai janaban saring yantegamle omdateji kan apsele garberba. Vansi Paswan Mandardi anasudan saring yantegamle banangsan dete, kan apsele garberba. Bara Kharouni a ranukku a derna maaji bo toitoij Gorjang lingan bangsa anoblingan batte yantegamle ranukkun hangle rabtiteji kan apsele garberba.

12. Jharkhand

Bible Hangna Ompu:240

Panto kachhap sing birindan Belwadag gorjang saring aninji jisun ad'ong ablumarhen gamle jaleji do girjaban yertaiji. Champa Oraon Sero gorjang saring ham kul bim biman saring banangsan dele. Bar anin batte bangsa anob lingan kun gorjang lingan harte. Upendra Oraon buhangan jisun abirna amdangetin do gasalan umrengetin do girjantin. 20 mandra tabme dagi tabbudan hangleji. 150 mandraji abmang tara jisun abirna amdangleji. Kan asan kitungan ad'ong sanen senan de'ete.

Kenoloya gorjang lingan girja singan ganutulan dele do yante gamle kun dirna maranji batte toi toi gorjangan tana'ar dete do bangsa anoblingan ardute. Tabme dirna mar Ban Munda Jamuadag gorjang tanamderan hangte yante gamle sayete garbirba. Dulari Tuti do Phagu nag yante gamle baya bim biman saring banangsan hangteji garbirba. Sarba, Burtu do Pirdih gorjang lingan bangsa anobling soban lanuman dele yante gamle mandranji dirtinji garbirba.

13. West Bengal – Darjeeling Jilla

Bible Hangna Ompu: 58

Begunbari gorjang lingan ansa dagi bo soban dele do 30 mandraji jisun adong galmleji. Sadiri maranji amang bangsa anobling soban lanuman dele. Kun disaban bo tabme gorjangan ranabangan dele bangsa anob lingan asan. Ambari ranukulingan 2 mandra mailinji . Tajpoo gorjang lingan girja singan ganutulan dete kan asan kitungan ad'ng sanen senan de'ete.

Haragach disaban yante gamle bangsa anoblingan ardute kan asan garbirba. Nitu Lakra do Somari Barla yante gamle aninji jisun ad'ong ablu marhen gamle jateji garbirba. Moonj do Visti jote gorjangan yante gamle dima lingan marangteji garbirba. Matigara gorjang lingan yante gamle paradkab hangnan do pasijanji amang bangsa anobling baran dete garbirba.

14. West bengal – Ethelbari

Bible Hangna Ompu: 142

Kitungan ad'ong sanen senan de'ete West Deongaon gorjan lingan girjan susunan dele. Baibol hangna umpun 83 dele. Kamal Munda pintu anabpingban batte kitungan saring sanabyun hangle. 3 mandra tabbudan hangleji. Kan asan kitungan ad'ong sanen senan de'ete.

Mujnai gorjang maranji jisun abirna yante gamle amdangteji garbirba. Saloni Majhi s'ing birindan yante gamle jisun saring ranab raban hangteji garbirab. Baramar Uttam Narjinary batte bangsa anobling soban lanuman dele yante gamle mandranji jisun amang dirtinji garbirba. 10 mandra tabbudan apangben asan oskai daku garbirba.

15. West Bengal – Coochbehar disan.

Bible Hangna Ompu: 30

40 tabme dirna maranji baibol tanunjing clasolingan maidam linji. Sollmari gorjang lingan jisun abirna anoblingan dele. Ravi Munda s'ing birindan bangsa anoblingan asan sayemteji. Bidhan Biswakarma amang lingan pung pung rugaman ranabangan dele bindo garbiran batte banangsan dele. Asur line agorjang adirna maranji dima lingan marangteji. Baraline gorjang lingan 2 sing birindan jisun abirna amdanglaji kan asan kitungan ad'ong sanen senan de'ete.

Baramar Puklu Oraon abangsa anob ling lingan ayengante amandraji tamdertaji aninji yante gamle jisun ad'ong hangteji garbirba. Chipra Benga gorjang lingan yante gamle mandraji jisun baima amdangteji garbirba. Rajesh do Suchi Minz jisun abirma amdangleji yante gamle dirtinji garbirba. Mumed Khil buhangan kinrabardi s'in do ajingan asar dong bim biman hangle yante gamle bangsate garbirba.

16. Sikkim

Bible Hangna Ompu: 52

Bo tabme derna mar Kitungan abangsa anobling baran apsele tiydamlin daku. Kapchey aranukkuling gorjang maranji Tek Bahadur anabhana abaran batte ateng man'oihanlinga daku. Mingma Dawa Lepcha a s'ing birindalingan do kun agorjang amanengban Kitungan aninji a d'ong hadab loge ranoitad lingan ahanaben asan tieten. Upper Rimbi a ranukku amandraji Kitungan abangsa anobling ber amadanben asan ateng angtzr j'edage dakuji. Kan asan Kitungan ganugun de-ete.

Hathidunga agorjang saring 2 tabmedage maidamlinji do yante gamle Kitungan aberna bangsale galamteji ganludteji Kitung ligan manarangan deteji kan apsele garberba. Lepcha jattinji a bible hangna ompulingan tabme derna maranji maidamlinji yantegamle barji loge tiydamtenji garberba. Kan minhum lingan 200 gorjang lingan kitungan aberna abarduben asan tabme bara bangsa anobling bara maranji sanaisaij. 37 mandra Jisun ahim lingan tabbudan ahangben asan a oskai dakuji kan apsele garberba.

17. Assam

Bible Hangna Ompu: 141

Saiba Asda bisa jadan duletin bindo kitungan anin ad'ong danrabetin. Barmar Rabindra Nath Mandal do Kagendra Mandal asangim maranji saring rabraban hangleji. Sumi Asda Kumarshlli gorjang saring hamkul bim biman saring banangsan hangleji. Bonkipara do Barpara gorjang lingan dima maranji marangteji. Kan asan kitungan ad'ong sanen senan d'ete.

12 mandra jisun amang dirrinji do yante gamle dima lingan marangteji garbirba. Bipin Basumatary ad'ong ayengante amandraji tamdertaji aninji yante gamle jisun ad'ong hangteji garbirba. Kulichapori gorjang lingan 5 mandra jisun abirma amdangleji yante gamle aninji jisun ad'ong jateji garbirba. Gilaguri do Rasitola gorjang lingan tabme mandranji ad'ong maina tanurdun dele yante gamle aninji jisun ad'ong jateji garbirba.

18. Manipur

Bible Hangna Ompu: 180

31 dangardanji bangsa anobling baran asan talim singlingan training hangteji . 2041 mandraji ad'ong bangsa anoblingan anopungan dele. 703 mandra jisun ad'ong ajabin asan idsum dakuji. Litan gorjang maranji tabme missionarin adong do tabme gorjang ban iyle bangsa anoblingan aoblingbin asan sayemteji kan asan kitungan ad'ong sanen senan d'ete.

143 mandraji tabbudan apangbin asan oskai dakuji garbirba. 26 gorjang lingan yante gmle gijan susunan dete garbirba. 260 saring 400 gorjang lingan yante gamle bangsa anob ling baran hanrte garbirba. Manipur rajaman yante gamle kitungan anabsita dete do gorjanganji jisun ad'ong galamteji garbirba.

19. Tripura

Bible Hangna Ompu: 293

53 mandra jisun amang dirrin tabbudan hangleji. Jyotilal Debbarma baya bim biman saring banangsan dele. Ampurakami do Bandraipara gorjang lingan bangsa anobling baran asan ranin dele. Yakbara Para gorjang lingan dima maranji tabme gorjang lingan bangsa anobling baran alumbin asan oskailinji. Kan asan kitungan ad'ong senen senan d'ete.

Baramar Ranjan Debbarma au'a ajanrum jingan asar bim biman hangle yante gamle bangsate garbirba. Malati tonanan asu'ung maranji ad'ong tamderte ayengante amandra jisun amang dirten. Kamiktor do Barbari kami gorjang maranji yante gamle dima lingan marangteji garbirba. Baramar Mahabir s'ingboi Lalbumi Jamatia anin pung pung bim bimbingan daku yante gamle bangsate garbirba.

20. Odisha – Gonjam, Gajapati jilla

Bible Hangna Ompu: 143

Pitakari gorjang lingan 20 mandra tabbudan hangleji. Hemanta mandal do Padma sabara bangsa anoblingan asan surpiddamlinji. Abiram Raita tanamderan hangle janangden dima lingan uyubdam daku. Dilip Mandal gardin atanangadan saring ranab raban hangle. Kan asan kitungan ad'ong sanen senan d'ete.

8 tabme si'ng birindan yante gamle jisun abirna amdangle dima lingan marangteji garbirba. Kharisahi do Udaling gorjang lingan tabme girja s'ingan sanai sani. Luaba gorjang saring 5 mandran tabbudan apangbin asan oskai dakuji. Gurudev buhangan gardi tanagandan batte ajangan padailli yante gamle bangsate garbirba. Birasahi gorjang lingan yante gamle bangsa anoblingan asan ranin dete garbirba.

Odisha – Ho, Santali disan

Bible Hangna Ompu: 151

Khadiabahali do Basantapura gorjang lingan tabbudan soban lanuman dele. 37 mandra tabbudan pangleji. Khaparakhol gorjang lingan girja singan asanurpidan dele. Badkushpada gorjang lingan janang girja singan asanurpidan dele. 23 mandra jisun abirna amdangleji do girjaban yertaiji. Kan asan kitungan ad'ong sanen senan de'ete.

Keonjhar do Mayurbhanj jilla lingan adirna maranji yante gamle tanamderan saring ranab raban hangteji garbirba. Bodputka do Jaipur gorjang lingan amandrajji yante gamle dirtenji garbirba. 42 gorjang lingan girjan dete do dima maranji amang yante gamle bitin marangte garbirba.

21. Odisha – Kandhamal Jilla

Bible Hangna Ompu: 115

Lakerikia do Mudada gorjang lingan girjan susunan dele. Tikabali gorjang lingan 6 tabme mandrajji jisun amang yerraiji. Belpadara gorjang maranji jisun abirna amdangbin asan idsum dakuji. Kamrika 6 mandra tabbudan apangbin asan oskai dakuji. Kan asan kitungan ad'ong sanen senan d'ete.

Baduli Digal Senapadi gorjang saring anin asar do'ng bim biman hangle yante gamle bangsate garbirba. 10 tabme baramaranji khajuripada disan amanengban sanaisai. Rakadi gorjang lingan girja singan ganutulan dete kan asan garbirba. Babeswar Kanhar si'ng birindan yante gamle jisun ad'ong hangteji garbirba.

Odisha- Rayagada Jilla

Bible Hangna Ompu: 146

Kitungan ad'ong sanen senan d'ete Ompra gorjang lingan tabme girjan susunan dele. 12 mandra Devarguda do Kalyanipur saring jisun amang dirrinji. Dimbriguda gorjang lingan baibol hangna umpun susunan dele. Bangsa anoblingan batte disa lingan ribmang baran ganijtan dete kan asan kitungan ad'ong sanen senan d'ete.

Baramar Monesh Sabra kitungan urungetin kan asan danuka sing birindan asan garbirba. Karalogi si'ngboijan Susanti do apasijanji banabyen asan garbirba. 10 mandra tabbudan ahangbin asan oskai dakuji. Sartil do Boupadara gorjang lingan yante gamle girja s'ingan asan jannongan hanin dete garbirba. Kandakuty do Achaba gorjang lingan yante gamle girja singan abara anomtungan dete garbirba.

22. Odisha – Sambalpur Disan

Bible Hangna Ompu: 113

Baramar Kitish Dhas Kaliapali gorjang lingan bangsa anoblingan asan mandranji gudingteji. Gandharba alin umrengetin asan asi'ngbirindan sanabyun hangleji. Parmanpur gorjang lingan jisu kristun abima harte. Rinku Mahananda buhangan gardi tanagadan batte ababan parali bindo garbiran batte banangsan hangle. Gartiapali do Laderpali gorjang lingan bangsa anoblingan anobpungan dele. Kan asan kitungan ad'ong sanen senan d'ete.

Ravi Tandy buhangan yante gamle ajingan bangsate do hanlin raptite garbirba. Bikash Charria kanni bim biman asan kal kal hangte yante gamle bangsate garbirba. Jadu Bhosagar gasalan saring yante gamle dayartai garbirba. Phapsi do Pardhiapali yante gamle bangsa anoblingan anobpungan dete garbirba.

23. Chhattisgarh – Champa disan

Bible Hangna Ompu: 127

Geeta Rohidas as'ing lingan 8 mihum atiki kitungan saring bo pasijan hangleji. Sanjaya Kumar butinte bayali bindo kitungan anin ad'ong absamangle do anin batte Nawapara gorjang lingan bangsa anoblingan hanrte. Salim Kujur kitungan amang dimetin butente kristu maranji ad'ong tamderetin. 14 mandra tabbudan pangleji. Kan asan kitungan ad'ong sanen senan d'ete. Soontari gorjang lingan yante gamle tabme girja singan ganutulan dete garbirba. Ujagar buhangan atang bim biman saring banangsan hangle yante gamle jisun amang dirtin garbirba. Tarod gorjang lingan yante gamle tanamderan sangaite do bangsa anoblingan dete.

Chhattisgarh – Raipur disan

Bible Hangna Ompu: 106

2 dangardanji bangsa anoblingan asan tiydamlinji. Baloda gorjang lingan dima maranji baibol parikiya lingan maidamlinji. Girwani gorjang lingan girja singan aganutul takudli. 25 mandra tabbudan tipleji. Kan asan kitungan ad'ong sanen senan d'ete.

300 mandra jisu abima amdangleji yante gamle dirtenji garbirba. 9 dangardanji bangsa anoblingan baran asan Nawatoli hangna singlingan hangtinji. Ramaswarup asulingan dakuli bindo jisun batte bangsali. Semariya do Sarsiwa gorjang lingan girjasingan apsele jannongan sanisai kan asan garbirba.

24. Madhya Pradesh

Bible Hangna Ompu: 286

Ram kripal bangsa anoblingan mar agarbiran batte jisun Deim buhangan amodan agiybin asan ranaptin tiyetin. 33 mandra tabbudan tipleji. Sunita tonanan pung pung bim bilingan dakuli bindo garbiran batte kitungan anin banangsan hangetin. Narwani do Kelkachh gorjang lingan baibol hangna umpun susunan deli. Kan asan kitungan ad'ong sanen senan d'ete.

Kathautiya gorjang lingan tabbudan soban dele. Bhagchand buhangan asulingan daku kan asan garbirba. Ram singh yante gamle jisun amang yertaiji garbirba. 220 gorjang lingan yate gamle bangsa anoblingan baran harte garbirba.

25. Gujarat- Bharuch Jilla

Bible Hangna Ompu: 128

Nilesh Bhai kitungan saring bo pasijan hangetin. 150 mandraji maina sobalingan maidam linji. Fakir bhai kidney rugam lingan dakuli bindo garbiran batte kitungan batte banangsan hangle. Keshargam do Gyndhiya gorjang lingan tabme dima maranji marangteji. Petiya gorjang lingan girja singan aganutul hale daku.

Kan asan kitungan ad'ong sanen senan d'ete. Baharuch jilla lingan 5 mandra bangsa anoblingan

maranji sanai sai. Nilam bhai Bavadiya gorjangan anin kristu maranji ad'ong abkal kalte agirjadongne gamle kan asan garbirba. Kound gorjangan ringan yante gamle dirna maranji awrte garbirba. Mahesh Bhai yante gamle gasalan umrengte garbirba.

26. Gujarat, Narmada jilla

Bible Hangna Ompu: 58

4 mandra tabbudan tileji gundhalamba gorjangan. 5 dangardani bangsa anoblingan asan tiydamlinji. Sabuti do Umarpada girja singan abra hale daku . Pradip Bhai do Sharda Ben kitungan saring bo pasijan ahanglenji asan kitungan ad'ong sanen senenan d'ete.

Ambadi gorjangan ringan agirjanabin asan bo darakunan sanai sai yante gmle hangteji. Baramaranji Krushna Bhai do Sudham Bhai bangsa turdu boijan sanai sai kan asan garbirab. Tilakeada , Nandod do Gurudeswar block ringan bangsa anobling maran sanaisai. Relwa, Motakakadiamba gorjangan ringan girjasingan asan jannongan sanai sai. Kan akudub asan garbirba.

27. Maharashtra

Bible Hangna Ompu: 294

34 yanganji Laghadwal do Skili gorjangan ringan padkab hangnan hanglinji. Hardoli gorjangan ringan girjasingan abara susunan dele. 3 dinna d'ongan abanangsan asan health camp dankun dele. Baramar Jitendra Sane asidrung ringan bigardani janang jisun abima amdangleji. Kan asan kitungan ad'ong sanen senenan d'ete.

Ahmednager gorjangan ringan mandranji yante gamle bitilingan do ganalam ringan marangteji garbirba. Pachala gorjangan maranji yante gamle jisun abima amdangteji do dirtinji kan asan garbirba. Deaulgaon di degloor gorjangan ringan yante gamle girja singan ganutulan dete garbirba. Sukdi Devjipada , sathalwada do Hardoli gorjangan ringan yante gamle girja singan asan jannongan hangteji garbirba. Yante gamle 360 gorjangan ringan tabme dagi jisun abirana anopungan dete garbirba.

28. Telangana

Bible Hangna Ompu: 259

Babol hangna umpun 259 daku. 10 gorjangan tabme dagi survey dele bangasa anoblingan asan. Pullimadugu gorjangan Gondi lang lang marangji amang bangsa anoblingan dele do 70 mandra jisun ad'ong ablu marhen gamle jaleji. Do 11 mandra tabbudan pangleji. 11 mandra bangsa anoblingan san surpiddam linji do name aninji taliman panteji. Kan asan kitungan ad'ong sanensenan d'ete.

Anjaneyalu au'an kitungan urungetin kan asan kun s'ing birindan asanayun asan garbirba. Lingala disalingan Baramar Babu Rao regam singlingan name anin daku yante gamle bangsate garbirba. Chintakani, Macharam do Survail gorjangan ringan missionarinji asan bo s'ingan sanaisai kana san garbirba.

29. Andhra Pradesh, Telugu disan

Bible Hangna Ompu: 346

61 mandraji jisun amang dirinji. Tiddimi, Savarapeta do Kondaragulu gorjangan ringan bangsa anoblingan dele. 300 mandraji jisun ad'ong ajabin asan idsum dakuji. S.N.Puram ranukulingan 2 sing birinda manilini. Chinakudhama gorjangan ringan sannna regam singan susunan dele. Kan asan kitungan ad'ong senen senenan d'ete.

Bandaravanipeta gorjangan ringan yante gamle kitungan barate. Subhadra gorjangan ringan Baramar Y.Satyanarayan asar d'ong bim bilingan daku yante gamle bangsate garbirba. Jiyammavalasa ringan girjasingan asan bo jannongan sanaisai. Ummilada garjangan maranji jisun abirana yantegamle amadangteji garbirba.

30. Andhra Pradesh – Srikakulam Sora

Bible Hangna Ompu: 230

5 mandra tabbudan tiyleji. Sarala sing birindan jisun ad'ong galamleji. 5 singbirinda abyarjelinji do girja lingan maidamlinji. Vonkayalu gudda gorjang lingan girjan susunan dele. Kan asan kitungan ad'ng sanen senan d'ete.

Baramar Durga Rao asin yante gamle bangsate kan asan garbirba. Rama Rao do Appanna yante gamle kristu lingan marangteji. 7 gorjgan lingan girja s'ingan yate gamle ganutulan dete garbirba. 21 tabme bara maranji achapuvayasa hangna singlingan hangtinji. Kan asan garbirba.

31. Karnataka

Bible Hangna Ompu:181

10 dangardanji bangsa anobling baran asan sanedan dele. Ghataparthi gorjang lingan girja s'ingan asurpid garbiran dele. 10 madra tabme dagi jisun amang dirrenji. Halli do Belavanoor gorjang lingan bangsa anoblingan dele kan asan kitungan ad'ong sanen senan d'ete.

Chalakera gorjang lingan yante gamle girja s'ingan ganutulan dete garbirba. Gowrasamudra do Mallasmudra garjang lingan adirna maranji yante gamle bangsa anobling baralingan maidamtinji garbirba. 200 madra Basavakalyan gorjan saring aninji tabme dagi jisun abirna amdangleji yante gamle dirtinji garbirba. 187 gorjang lingan saring okiy yante gamle tabme 250 gorjang lingan 2021 sallon along lingan bangsa anobling baran lumle araptitai garbirba.

Himachala diy diy barun saring surda janattin ahandraman galule.

Bangsa anoblin ber bara maran Mr Monoj Bhati a d'ong Kitungan abernan batte sanabyun do banabyen tiyete. SK 16:5 Gamangtungan na danen-hen do garagaman-hen atanuban, aman na tanub-hen tabngijle.



Finka do As'ing berendan

Manoj Bhati a turdu boji Finka aminhuman 32. Simlli singkuijanji Hiamanchal Pradesh Kangra Jilla Lapaniya agorjang dakuan dakulen Kitungan

abaran lumata lumata 6 minhum sikkoija atang lingan bo surda kanal kalan batte tanagadan dean dele 28.12.2020 Patankote regam sing lingan iran yirre sanamangan apsele erreji guijleji, bangsa anobling bara maran ader dernan do asanagl erna guijnan batte derneten; turdu boji hen barij sanamangan hangan hangle hen ampapa bar okij bangsa anobling bara lingan abaratina gamle der derneten.

Bar janang anin ader dernan dakule do tabme minhumlingan tabme maina tanurdun batte kan baru tamlung desan Himanchal Pradesh lingan baranji alumtai gamle ogal j'eneten. 31.01.2021 ayam anin kitungan amang anurungan dele. osantan d'ongdage turdu maran ad'ongan umrengan umrengle mandrengna turdu maran batte Kitungan batte ruang ban yireten. Bangsa anobling ber bara maran nami 3 pasijanji 6 Minhum Briska 5 Minhum Ritika do 1 Minhum Karun anin ampapa dakuji do anin ader dernan turdu boji

hen Gamangtung Jisu Kristun anab bagu dayaman ayam lingan hen anin ampapa maitinai gamle radu derna lingan daku. Do anin 3 pasijan apsele do yantegamle ranukkun atimang lingan banabye anuyuban batte Gamangtung Jisu Kristun abara lingan radule tanangte kun s'ing birindan do buhanga apsele garberba. - *Balwinder Singh*

Butinte bangsa anoblingan oblingte, senkenrate aninji anabsittan hangteji.

Ayengante amandraji jisun ad'ong glamleji do ablumarhan gamle jaleji do kitungan ad'ng senkenrateji do bangsa anoblingan oblingteji aninji sanensendam. Kan abaran batte Aninji manoihan do irahidan amandrengnan ahngteji.

Ghataparthi gorjangan chellakera block chitradurga jilla karnatak lingan daku do bangsa anoblingan asan ranin dele. Ranukunji bangsa anob lingan asan surpidamlinji, angante kan gorjang lingan girja singan agutulben asan oskaidam deliji do marid jangardan atenganji ad'ong baihetin agutulbin asan kan asan kitungan ad'ng sanen senan d'ete.

Ghataparthi gorjang lingan pastor Jeyaraj batte s'inglingan girjatinji. Bar Bengaluru saring yanglen Lilly Lucas kan gorjang lingan girja singan agutulbin asan royongan hangle. 70 mandra girjatinji Berachah ranukun, do bangaluru saring Lucas do as'ng maranji tariko 26/01/2021 adnang girjasingan kitungan amang sanurpidan dele. 300 mandra tuya gorjang ban saring ganna singban yerraiji do taniytiy mar saring kitungan abirman opungleji.

Pastor Jeyaraj kun gorjang lingan ayengante amandraji jisun ad'ong jaleji aninji asakibiran upungetin yan gamle aninji kristu lingan uyub do radudam dakuji. Jarditin na kitung lingan ranadun daku. Kitungan ranukun ad'ong rabdute, anin indrang dayaraiyan sikoija ranukun dirnalingan marangte. Kan asan garbirba. Yante gamle dirna lingan dakuntinji.

– *Taniy tiy maranji saring Nohanraj, Coodinator.*



Bangsa anoblingan batte sanabyun

Pempa Lepcha tonai baran alumbin asan tiydamnetin do hangnetin bar lumetin. Bar anin upper Tumin disan amandraji amang baranetin do dajingante disan anin bate tonai baran dele. Bar Pempa asing lingan kudub ayam mandranji anin amang sanayeman asan yeraiji. Bindo anin sanabyun saring sangai dakuli.

Anin amang tankan sabih dinna dakuli bindo augarlingan sanabyun addakued arika dakuli itin asan gamlenden as'ing lingan irmarid jangardan barij dakuli. Dile tordong anin alin gale dakuneten . anin abuhangan do atonanan alin gale rugamle kahidleji bar au'an janang bayate. Pempa buhangan missionarin Simon :epch amang saring bangsa anoblingan jisu apsele amdangetin. Bangsa anoblingan kun gorjang lingan anoblingan dele.

Bangsa anoblingan amdanglen atiki anin dajingante tonai baran lumetin do sonum ad'ong puretin kun kudub umrengetin bar anin sakai sanabyun hangentin jisun batte. Bar jisun ad'ong ablumarhen gamle jaetin . Pempa name anin jisun apsele me'ente bar jisun batte kudub baralingan manarangan dete. Bar au'an yante gamle baya bim biman saring banangsan hangte garbirba. – *Baramar Simon Rai.*



BANGSA ANOBLING BARAN APASLE

tiydamna maran apsele ganuding olan.

- ★ Butente ablumaran Jisun Kitung hen na gamle jaeten do butente Jisu Kristun ambrij ir abyar j'e maranji apsele sanengseng bwrdran tamedle uante amanengan namintan sikkoija Jisun abangsa anoblingan endrang ardue; kun amanengban bangsa anoblingan batten arduben asan, barij tiydamna do surped damna maranji oskaidam dakulenden Vishwa Bani Bangsa anobling baran asan bara mar saneda royong lingan arduben asan agudingtaben.
- ★ Do kan ambrij tiydamna maranji saring 30 minhum adeben dete, do 12 pass ahangna mar adeben asan sanaisaij. Kan ambrij amandranji batte kan Barata desa lingan a rzrdang kzntalban tanangle Jisun aberna abarduben; manan Odisha rajaman Khurda jilla Ganjam jill, Rayagada jilla bar Gajapati jilla amanengban bangsa anoblingan abarduben asan sora maranji saring 30 tiydamna surpedna danggardanji sanaisaij.
- ★ Kan kuddub baranji apsele anlen ampara amainaben asan sanaisaijdage ganadlam beranji manglen saring galamle arabtite. - *State Coordinator, Vishwa Vani, Odisha*

KUN LINGAN MANARANGANJI...

Tripura rajam Sakalogaon agorjang lingan Meghavoice batten Kitungan abaranji rubmangdage adeten ate ganijtan dete. Ayengante amandraji er hangna er kznol, aninji Mengavoice batten Jisun abirna amdangata amdangata; manan Rojaiham Reang tabme Kristu maran man'oihan batte sakki beran oblingte kun manengban Kitungan abernan ednegoij hare pangte do, 30 tarding, 60 tarding do 100 tarding marangle pangte. Ayengante auggaranji Kitungan abirman sannil saijle amdangteji;

manan Pal palang baran, bararoi idur baran baralen amdangata amdangata as'ing brinda linganji irsanabyun saring sanabyun, ir j'unan saring bangsa sanabyun do bangsa ganaga janumjuman l'apurge adeten ate man'oihan batte sakki bertenji. Nami ajtti mar linganji, agorjang gardalinganji radu dernan batte sanitta beranji abpengbale oblingte gamteji Jisun aberna mandrengna len taramtamlen ajardi mandrengnan tiytalen. O'o Sakalogaon yiraiba agijba! La'a purge asanittanji gjile rabtitabe.

– *Biswajit Jamatia.*



Jaba Anlen A Tirid Sinaba Do Agutulba



MODEL - I

CHURCH WITH LIGHT ROOF

Size: 15' x 25'

Cost Rs. 4,00,000



MODEL - II

CHURCH WITH RCC ROOF

Size: 20' x 30'

Cost Rs. 7,00,000



MODEL - III

CHURCH WITH RCC ROOF

Size: 20' x 40'

Cost Rs. 9,50,000

Vishwa Vani bangsa anobling ranukkubANJI aman sanle yage girjasingan arapsuijdage ranukkun gutulben asan d'ong nam tirid si naben do gutulben asan agarbertinai. Iten asan gamlenden, namintan sikkoiJA jaitan anidolan adelen agorjanganji, a jillanji, arajamanji do Kristu derna maranji adanisaman taniyan dele. Do sareba singan agutulben asan janang jannonganji oskaile hiben asan tangkanji sanaisaijdam.

Iten asan gamlenden kun mandranji ara neebban pindalingan kan ambrij biggarda biggarda manengban goble Kitungan a d'ong senkindrateji. Aninji adernanji amadrangbanen asana man do s'ing bririndanam orde ranukkunam sanle sanayam tangkanji d'ong ben alabyu garmadtinai. Manan jagan ahiben asan taniytinam saring 10 sq ft asan 2000/- tangkan sanaisaij.

Gojangan	Rajaman	Maranji adnisam	Alana'angan	Sanaisai(Rs.)
1. Kalyanpur	Punjab	91	2720 sq. ft	4.4 lakhs
2. KilaNathuSingh	Punjab	158	2720 sq.ft	4.4 lakhs
3. Nagrota Surya	Himachal Pradesh	75	2200 sq. ft	5.5 lakhs
4. Geena	Himachal Pradesh	61	2200 sq. ft	2.5 lakhs
5. J. Nagla	Uttarakhand	58	1000 sq.ft	5.5 lakhs
6. Birta-Torpa	Jharkhand	60	4350 sq.ft	5.1 lakhs
7. Bingaon-Karra	Jharkhand	55	4350 sq.ft	4.15 lakhs
8. Hatpara	West Bengal	75	2613 sq.ft	4 lakhs
9. Baloda	Chhattisgarh	48	4360 sq. ft	5.8 lakhs
10. Girwani	Chhattisgarh	84	4360 sq. ft	3.5 lakhs

Itsum Taniy online

Bank : **State Bank of India** A/C Name: **VISHWA VANi**
 A/C No. : **10151750252** IFS Code : **SBIN0003273**
 Branch : **Amanjikarai, Chennai - India.**

Itija ganadlam beran dakulenden kan Phon Number batte agadlamtilen

Contact ☎ **94391 32664, 86588 58731**
 Sujendra Soura Arjun Bhuyan



KITUMALA, A.P. - 19.12.20



CHERUVU GUEDEM, A.P. - 19.12.20



BARIAR, PUNJAB - 20.12.20



MADAFI, UTTAR PRADESH - 20.12.20



TEDA, A.P. - 20.12.20



GULUGUDA, ODISHA - 28.12.20



K.VEERAGHATTAM, A.P. - 28.12.20



YAKBARA PARA, TRIPURA - 24.01.21



KHAPARKHAI, ODISHA - 24.01.21



GHATAPARTHI, KARNATAKA - 26.01.21



HUSENPURAM, A.P. - 30.01.21



MANPUR, ODISHA - 05.02.21

Ayengante amandraj bar! diridman batte jannongban abarabin asan Yertjeji anij! jisu kristu Adina ranapin dile torong gijeti! . Rimangy baran do ganggu bara lingen aninji maidamterji, dimagodarji, todong ayam panimingdagi do ranukun manarangan dele jisu bate . Kitung bangsa himmam asinai.

VISHWA VANI SAMARPAN - SOURA LANGUAGE